

四庫全書

史部

欽定四庫全書

史部

御批歷代通鑑輯覽卷五

六

詳校官侍講_臣王燕緒

編修_臣裴謙履勘

總校官進士_臣程嘉謨

校對官編修_臣高棫生

謄錄監生_臣周光顯

欽定四庫全書

御批歷代通鑑輯覽卷五

周

襄王

十年春正月宋公曹伯衛人邾人伐齊夏五月宋師

及齊師戰于贏

齊地在今山東濟南府恩縣

齊師敗績

宋公以諸侯伐齊納子昭齊人殺無虧將立子昭不勝四公子之徒遂與宋人戰宋敗齊師于贏立子昭

是為而還史記齊桓公十有餘人其立者五人無
孝公而還說立三月死次孝公昭次昭公潘次懿公

商人次

惠公元

鄭伯朝于楚

此鄭朝
楚之始

楚子賜之金既而悔之與之盟曰無以鑄兵故以鑄

三鐘

庚辰

十有一年夏六月宋公曹人邾人盟于曹南

曹之南邾來
襄公始圖霸

子會盟于邾邾人執而用之

宋人執滕子嬰齊

宣公

使邾人用鄫子于次睢之社

楚賜鄭金而以
無鑄兵為盟事
甚迂誕天下產
金之地獨一楚
乎無惟乎秦始
皇之祖其術而
欲盡收兵器也
左氏浮誇於此
類可見一斑

後漢書郡國志琅邪國臨沂有叢亭注縣東有大叢社民謂之食人社即次睢之社臨沂今山東沂州

府蘭山縣欲以屬東夷司馬子魚曰古者六畜爾雅釋畜馬牛羊犬

豕雞謂之六畜不相為用小事不用大牲而況敢用人乎祭

祀以為人也民神之主也用人其誰享之齊桓存三

亡國魯衛邢以屬諸侯義士猶曰薄德今一會而虐二

國之君又用諸淫昏之鬼將以求霸不亦難乎秋宋

人圍曹討不服也曹南之盟曹不修地主之禮

冬陳人魯人蔡人楚人鄭人盟于齊楚始與齊盟

陳侯請修好于諸侯以無忘齊桓公之德冬盟于齊
修桓公之好也

梁亡

梁注見前公羊傳梁亡何梁自亡也其自亡奈何魚爛而亡也何休曰著其自亡狀若魚爛

梁君立法一家犯罪四家生之一國之中無不被刑
者百姓一旦相率俱去梁遂亡

左傳梁伯望城而不處民罷而弗堪則曰

某寇將至乃溝公宮曰秦將襲我民懼而潰秦遂取梁與公羊傳異今並存之

十有三年春宋人齊人楚人盟于鹿上

左傳注鹿上汝陰原鹿縣

原鹿廢縣在今江南潁州府阜陽縣南

宋公欲合諸侯魯臧孫辰

字丈仲
哀伯孫

聞之曰以欲從人

則可以人從欲鮮濟于是宋人為麇上之盟以求諸侯于楚楚人許之子魚曰小國爭盟禍也宋其亡乎

幸而後敗

秋宋公楚子陳侯蔡侯

哀侯孫莊
公甲午

鄭伯許男曹伯會于

孟

今河南歸德府
睢州孟亭是

執宋公以伐宋

趙氏匡曰此楚執耳
其以諸侯執之之辭

何機諸
侯也

冬十有二月諸侯盟于薄

即薄縣故
城注見前

釋宋公

諸侯會于孟子魚曰禍其在此乎君欲已甚其何以

堪之于是楚執宋公以伐宋冬會于薄以釋之公羊傳宋

公與楚子期以乘車之會公子目夷曰楚強而無義請君以兵車之會往公曰吾與之約自我為之自我墮之不可終以乘車之會往楚人果伏兵車執宋公以伐宋宋公謂目夷曰子歸守國矣國子之國也目夷于是歸設守械楚人謂宋人曰不與我國吾將殺子君宋人曰賴社稷之靈國已有君矣楚人知雖殺宋公猶不得宋國于是釋宋公公走之衛目夷復曰國為君守之君曷為不入逆公歸

癸未十有四年秋秦晉遷陸渾之戎于伊川先姓之戎居于瓜州陸渾其別

部也在秦晉西北二國誘而徙之伊川其後遂從戎號為陸渾縣今陸渾故城在河南河南府嵩縣其西有伏流坂為伊水伏流處即伊川也

初平王之東遷也辛有

虞董父之裔其後為董氏

適伊川見被髮

而祭于野者曰不及百年此其戎乎其禮先亡矣是

年秋秦晉遷陸渾之戎于伊川

冬十有一月宋公及楚人戰于泓

水名在河南歸德府柘城縣澗水支流也

宋師敗績

鄭伯如楚宋公伐鄭楚人伐宋以救鄭宋公及楚人

戰于泓宋人既成列楚人未既濟司馬子魚請擊之

公曰不可既濟而未成列又以告公曰未可既陳而

後擊之宋師敗績公傷股門官殲焉

門官守門者師行則在君左右

愚而好自用者
莫如宋襄其道
古論今不值一
喙宜乎子魚直
斥之而彼尚不
知羞也

國人皆咎公公曰君子不重傷不禽二毛古之為軍
也不以阻隘也寡人雖亡國之餘不鼓不成列子魚
曰君未知戰勅敵之人隘而不列天贊我也阻而鼓
之不亦可乎且今之勅者皆吾敵也雖及胡耆獲則
取之何有于二毛明恥教戰求殺敵也傷未及死如
何勿重三軍以利用也金鼓以聲氣也利而用之阻
隘可也聲威致志鼓儵未整可也明年宋公卒于王

臣立

是為成公

重耳周流列國
賴五人者為之
先後奔走已不
過年利酒色之
徒而已獨其對
楚子數語為有
英氣耳假令齊
姜阻從者之謀
楚成聽子玉之
請何能卒及晉
國其亦危矣

乙酉 十有六年春晉公子重耳入于晉

初重耳奔狄從者狐偃趙衰

夙之弟

顛頡魏犢

畢萬孫晉封萬

于魏因

胥臣

字白季即司空季子

處狄十二年狐偃曰蓄力一

紀可以遠矣齊侯長

謂年已老

管仲沒必求善以終

求得賢佐

以終茲可以親乃行

左傳狄人伐唐咎如獲其二女叔隗季隗納諸公子公子取季

隗以叔隗妻趙衰將適齊謂季隗曰待我二十五年不來而後嫁季隗曰我二十五年矣又如而是而嫁則

就木焉請待子咎如亦狄別種隗姓

過衛衛

文公

不禮焉出于五鹿

今直隸大名府有五鹿城二一在元城縣即沙鹿城一在開州即晉文公乞食處

乞食于野

人與之塊重耳怒狐偃曰天賜也民以土服必獲此
土受而載之及齊齊桓公妻之重耳安焉桓公卒從
者謀去齊姜氏知之趣重耳行國語從者謀于桑下
驚妾在焉告姜氏姜
氏殺之而言于公子曰從者將以子行其聞之者吾
已除之矣重耳曰吾不動矣姜氏曰西方之書曰懷
與安實疚大事時不可失子必速行重耳不可姜與狐偃謀醉而遣之

過曹

國語曹共公聞其駢脅謀其將浴薄而觀之僇
負羈之妻謂負羈曰晉公子賢人其從者皆國

相必得晉國得晉國而討無禮曹其首誅也子盍
早自貳焉負羈餽盤飧寘璧焉公子受飧反璧及

宋

左傳宋襄公贈
之以馬二十乘

及鄭

史記重耳過鄭鄭文公弗禮
叔詹諫文公曰諸侯亡公子

過此者衆安可盡禮叔詹曰君不禮
不如殺之復且為國患文公不聽
遂如楚楚子餐

之國語楚成王以周禮
享之九獻度實旅百
曰公子若反晉國則何以報

不穀對曰子女玉帛則君有之羽毛齒革則君地生

焉其何以報君若以君之靈得反晉國晉楚治兵

過于中原其辟君三舍若不獲命其左執鞭弭右屬

橐韃以與君周旋子玉

即成得臣
若敖曾孫

請殺之楚子不許

左傳楚子曰晉公子廣而儉文而有禮其從
者肅而寬忠而能力天將與之誰能廢之
居數月

晉子圉自秦亡歸秦伯召重耳于楚楚子厚幣以送

于秦秦伯納女五人焉

史記子圉妻懷嬴與重耳不欲受曰李曰且受以結秦歡

而求入乃受

及晉惠公卒子圉嗣

是為懷公史記晉大夫樂卻等聞重耳在秦皆

陰來勸重耳反國為內應

于是秦伯納重耳重耳即位

是為文公左傳重耳

濟河晉師軍于廬柳秦伯使公子繫如晉師師退軍于郇狐偃及秦晉之大夫盟重耳如晉師入于曲沃

朝于武宮

廬柳城在今平陽府猗氏縣郇注見前武宮晉武公廟

使人殺懷公于高

梁

注見前

懷公故臣呂甥卻芮將焚公宮弑晉侯寺人

披以難告

左傳披請見公使辭之曰蒲城之役君命一宿女即至其後為惠公來求殺余命女

三宿女中宿至雖有君命何其速也夫祛猶在女其行乎對曰君命無二除君之惡惟力是視蒲人狄人

余何有焉今君即位晉侯潛會秦伯于王城注見公其無蒲狄乎乃見之前

宮火呂卻不獲公乃如河上秦伯誘而殺之晉侯逆

夫人嬴氏以歸左傳秦伯送衛于晉三千人實紀綱之僕狄人亦歸季隗于晉晉侯

賞從亡者介之推史記作子推不言祿祿亦弗及推曰獻

公之子九人惟君在矣惠懷無親外內棄之天未絕

晉必將有主主晉祀者非君而誰天實置之而二三

子以為己力不亦誣乎遂與其母偕隱而死史記介子推從

者憐之乃懸書宮門曰龍欲上天五蛇為輔龍已升雲四蛇各入其宇一蛇獨怨終不見處所文公出見

其書曰此介子推也使人召之則亡遂求所在聞其入縣上山中于是文公環山而封之以為介推田號曰介山介山在今山西汾州府介休縣南有縣上聚

錫晉侯命

王使大宰

王子虎文公

及內史興錫晉侯命上卿逆于境

晉侯郊勞館諸宗廟饋九牢設庭燎及期命于武宮

設桑主

獻公之主

布几筵大宰涖之晉侯端委以入內史

贊之三命而後即冕服既畢賓饗贈錢如公命侯伯

之禮而加之以宴好內史興歸告王曰晉不可不善

也其君必霸逆王命敬奉禮義成敬王命順之道也
成禮義德之則也則德以道諸侯諸侯必歸焉王其
善之

夏狄伐鄭

初鄭入滑

滑人叛鄭而服于衛故鄭入滑

滑人聽命師還又即衛鄭

公子士洩

鄭文公子

堵俞彌

鄭大夫

帥師伐滑王使伯服游

孫伯

二子周大夫

如鄭請滑鄭伯不聽王命而執二子王

怒將以狄伐鄭富辰

周大夫

諫曰不可人有言曰兄弟

讒聞侮人百里

兄弟雖以讒言相違猶禁禦他人侮己

鄭在天子兄弟

也周之東遷晉鄭是依子頽之亂又鄭之由定今以

小忿棄之是以小怨置大德也無乃不可乎王弗聽

使頽叔桃子

二子周大夫

出狄師伐鄭取櫟王德狄人將

以其女為后富辰諫曰報者倦矣施者未厭狄固貪

恠王又啟之女德無極婦怨無終狄必為患王又弗

聽

冬王出居于鄭

初富辰言于王請召王子帶于是帶自齊歸于京師

及是帶通于狄后隗氏王替

廢也

隗氏頹叔桃子曰

我實使狄狄其怨我遂奉帶以狄師攻王王御士將

禦之王曰先后其謂我何寧使諸侯圖之王遂出及

坎歃

周地在今河南府鞏縣

國人納之帶復以狄師寇王城大

敗王師王出適鄭居于汜

鄭南汜也今河南許州襄城縣有汜城鄭文公築此

以居襄王後遂謂之裏城因以名縣

帶以隗氏居于溫王使告難于諸

侯簡師父告于晉左師父告于秦

鄭伯與孔將鉏石甲父侯宣多人

三

皆鄭大夫省視官具于汜而後聽其私政

丙戌十有七年春正月衛侯燬滅邢

公羊傳衛侯燬何
以名滅同姓也

衛將伐邢禮至

衛人

曰不得其守

守國
正卿

國不可得也

我請昆弟仕焉乃往得仕及是衛人伐邢二禮從國

子

邢之卿

巡城掖以赴外殺之衛遂滅邢衛侯尋卒子

鄭嗣

是為
成公

夏四月晉侯逆王入于王城誅帶

秦伯師于河上將納王狐偃言于晉侯曰求諸侯莫

襄王不許晉侯
之請隧是已然
但知名器之不
可假而不知先
王土地之不可
棄彼時王綱陵
夷位若綴旒徒
存名器亦將安
用之哉

如勤王諸侯信之且大義也繼文之業

謂文侯仇

而信宣

于諸侯今為可矣晉侯辭秦師而下右師圍溫

帶在溫

左師逆王王入于王城取帶于溫殺之晉侯朝王王

饗醴命之宥請隧

闕地通路曰隧王之葬禮

弗許曰王章也未有

代德而有二王亦叔父之所惡也與之陽樊溫原

注俱

見攢茅

今河南懷慶府修武縣有攢城即春秋攢茅田

之田晉于是始啟南

陽今河南懷慶府春秋為晉南陽地陽地在山南河北故曰南陽陽樊不服圍之倉葛

陽樊人呼曰此誰非王之親姻其俘之也乃出其民圍

原命三日之糧原不降命去之謀出曰原將降矣軍

吏請待之公曰信國之寶也民之所庇也得原失信

何以庇之所亡滋多退一舍而原降

遠原伯于冀趙
哀為原大夫孤

漆為溫

大夫

丁亥十有八年秋楚人滅夔

楚同姓國今湖北宜昌府
歸州有夔子國地名夔沱

夔子不祀祝融

楚之
遠祖

與鬻熊

祝融
十世孫

楚成得臣鬬宜

申

即司馬
子西

帥師滅夔以夔子歸

戊子十有九年冬楚人陳侯蔡侯鄭伯許男圍宋

宋以善于晉畔楚即晉楚子及諸侯圍宋宋公孫固

莊公之孫如晉告急先軫曰報施救患取威定霸于

為大司馬

是在矣狐偃曰楚始得曹而新昏于衛若伐曹衛楚

必救之則宋免矣于是乎蒐于被廬晉地始作三軍

謀元帥趙衰曰卻縠可說禮樂而敦詩書詩書義之府也禮樂德之則也德義利之本也君其試之乃使卻縠將中軍卻縠漆佐之使狐偃將上軍謀于狐毛而佐之樂枝將下軍先軫佐之荀林父御戎魏犢為右卻縠卻縠漆卻氏族狐毛偃之兄樂枝賓之孫先軫即原軫荀林父即中行桓子

己丑二十年春正月晉侯侵曹晉侯伐衛

蘇轍春秋集傳侵曹與伐衛異道故再稱晉侯

晉侯將伐曹假道于衛衛弗許還自南河濟

渡河而南出衛

之侵曹伐衛取五鹿

卻穀卒先軫將中軍

及齊侯

昭公

盟于斂

孟

今直隸大名府開州斂孟聚是

衛侯請盟不許

衛侯欲與楚國人不欲出其君以說

于晉衛侯出居于襄牛

襄牛衛地今河南歸德府睢州之襄邑廢縣是

楚人救衛晉遂

入曹

今無入傷負羈之宮魏犇顛頡怒曰勞之不圖報于何有燕傷負羈氏公以魏犇才舍之殺顛

頡以拘于師立舟之雋為戎右

執曹伯以曹衛之田畀宋人

宋使門尹般如

晉師告急公曰宋人告急舍之則絕告楚不許我欲戰矣齊秦未可若之何先軫曰使宋舍我而賂齊秦

藉之告楚我執曹君而分曹衛之田以畀宋人楚愛曹衛必不許也喜賂怒頑能無戰乎公從之

夏四月晉侯齊師宋師秦師及楚人戰于城濮

左傳注衛地今山東曹州府

濮州南有臨濮故城即春秋城濮

楚師敗績

楚子入居于申使子玉去宋曰無從晉師

楚子曰晉侯在外十

九年矣而果得晉國天假之年而除其害天之所置其可廢乎

子玉使伯棼

子趙椒也闔伯

比之請戰曰非敢必有功也願以間執讒慝之口

謂為

賈也為賈言子玉剛而無禮過三百乘即不能入為賈即伯羸紛冒之後為亦作遂食邑也楚子

怒少與之師子玉使宛春告于晉曰請復衛侯而封

曹臣亦釋宋之圍狐偃曰子玉無禮哉君取一臣取

子玉剛愎自用固有以取敗然傳稱楚子怒少與之師豈非惡其臣以及其軍而自傾乃事乎

吾知申息之老
不怨子玉而怨
楚子矣宜無是
理吁紀載家尚
奇譎而失直實
者蓋不可屈指
數諸書者所宜
尚論識時也

二不可失矣先軫曰定人之謂禮楚一言而定三國

我一言而亡之我則無禮何以戰乎不如私許復曹

衛以攜之執宛春以怒楚既戰而後圖之乃拘宛春

于衛且私許復曹衛曹衛告絕于楚子玉怒從晉師

晉師退三舍

狐偃曰微楚之惠不及此退三舍避之所以報也

楚衆欲止子

玉不可晉侯及諸侯之師

宋公齊國歸父崔夫秦小子愁崔夫齊丁公季子

之後食采于崔以邑為氏小子愁秦穆公子

次于城濮楚師背鄩而舍

鄩邱

陵險阻名使闕勃即子

請戰晉侯登有莘之墟

有莘古國伊尹耕于

其野注
見前

以觀師曰少長有禮其可用也遂伐木以益

其兵陳于莘北胥臣以下軍之佐當陳蔡子玉以若

敖之六卒

子玉宗人之
兵六百人

將中軍曰今日必無晉矣子

西

闕宜
申

將左子上將右胥臣蒙馬以虎皮先犯陳蔡

陳蔡奔楚右師潰狐毛設二旆而退之

若為
將却

藥枚使

與曳柴而偽遁

詐為
衆走

楚師馳之先軫卻縠溱

史記
作臻

以中

軍公族橫擊之狐毛狐偃以上軍夾攻子西楚左師

潰楚師敗績子玉收其卒而止晉師三日館穀

館舍
也食

楚軍穀
三日

而還子玉既敗楚子使謂之曰大夫若入其

若申息之老何及連穀

楚地在外城之外

而死自穀

晉侯聞

之喜曰莫余毒也已

朱子曰自齊桓公歿楚侵列國得晉文攔遏如橫流
泛濫特作隄防不然列國為滄浸必矣惟是伐衛以
致楚陰謀以取勝故
夫子稱譎而不正

五月晉侯齊侯宋公魯侯蔡侯鄭伯衛子

衛侯出奔弟叔武受盟故稱子

莒

子盟于踐土

左傳注鄭地元和志鄭州滎澤縣踐土臺
故王宮在縣西北臨汴水今滎澤縣屬河

南開
封府

葵邱之會宰孔
命齊侯而有天
威咫尺之對踐
土之會王子虎
命晉侯而有奉
揚玉顯之辭雖
所謂假之者然
先王之禮尚存
什一於千百此
桓文之所以並
稱乎

晉侯至衡雍

時鄭伯為楚師既敗而懼行成于晉晉侯及鄭伯盟于衡雍衡雍即垣雍城

在河南懷慶府原武縣水經注晉文公戰勝于楚周襄王勞之于此作王宮于踐土獻

楚俘于王駟介百乘徒兵千鄭伯傳王用平禮也

用平

王享晉文侯之禮

王享醴命晉侯宿王命尹氏

周世卿

及王子

虎

周卿士

內史叔興父

即內史興

策命晉侯為侯伯賜之大

輅

金輅

之服戎輅

戎車

之服彤弓一彤矢百玃弓矢

千秬鬯一卣虎賁三百人曰王謂叔父敬服王命以

綏四國糾逃王憑晉侯三辭從命曰重耳敢再拜稽

首奉揚天子之丕顯休命受策以出出入三覲王子

虎盟諸侯于王庭

左傳注王子虎臨盟不同款故不書王庭踐土宮之庭

曰皆

獎王室無相害也陳侯如會

來不盟

諸侯朝于王所

于是

晉文公

始霸

冬晉侯齊侯宋公魯侯蔡侯鄭伯陳子

携公款卒共公朔嗣未葬故稱子

莒子邾子秦人會于溫

諸侯會于溫討不服也

為討衛許晉遂執衛侯以諸侯圍許

王狩于河陽

今河南懷慶府孟縣河陽故城是

諸侯朝于王所

晉侯名王以諸侯見且使王狩

史記晉侯會諸侯于溫欲率之朝周力未

能恐有畔者乃使人言王狩于河陽孔子讀史至文公曰諸侯無召王王狩河陽者春秋諱之也

伊川程子曰晉文公欲率諸侯以朝王正也懼其不能故諱以行之名王以就為人獨見其名王之非而不見其欲朝之本心是以諱而拊其正也

晉人執衛侯歸之于京師

初衛侯聞楚師敗懼出奔楚遂適陳使元咺

衛大夫奉

叔武

衛侯弟夷叔

以受盟或訴元咺于衛侯曰立叔武矣

其子角從公公殺之咺不廢命奉叔武以入守晉人

復衛侯衛侯先期入叔武將沐聞公至喜捉髮走出

前驅

公子歆犬華仲

射而殺之

公知其無罪遂殺歆犬

元咺出奔晉溫

之會衛侯與元咺訟衛侯不勝

元咺歸于衛立公子瑕

晉人執

衛侯歸之于京師請殺之王曰不可夫君臣無獄今

元咺雖直不可聽也君臣皆獄父子將獄是無上下

也而叔父聽之一逆矣又為臣殺其君其安庸刑布

刑而不庸再逆矣一合諸侯而有再逆政余懼其無

後也于是置諸深室甯俞

甯氏衛公族以邑為氏俞莊子速之子

職納

橐籥橐衣囊後晉使醫衍酖衛侯甯俞貸醫使薄

其酖不死魯侯為之請納玉于王與晉侯皆十穀乃

釋衛侯衛侯使周欽治厘殺元咺及公子瑕遂歸

于衛先是諸侯圍許晉侯有疾曹伯之豎侯孺貨筮史使以曹為解晉侯復曹伯歸于曹

庚寅二十有二年夏六月王子虎魯侯晉人宋人齊人陳人蔡人

秦人盟于翟泉

在河南府洛陽縣故洛陽城中水經注穀水東流入洛陽縣之南池即故翟泉

也考是盟春秋不書公王子虎書王人今依金氏前編書

王子虎魯侯晉狐偃宋公孫固齊國歸父陳轅濤塗

秦小子憖盟于翟泉尋踐土之盟且謀伐鄭

陳氏傳良曰此晉初以大夫盟王子也大夫之交政于是始

辛卯二十有二年秋九月晉人秦人圍鄭

晉侯秦伯圍鄭鄭人以名寶行成晉弗許曰與我詹

而師還

謂詹也詹前請殺晉侯

詹請往鄭以詹與晉晉人將烹

之既而弗殺

詹就烹據鼎耳而疾號曰自今以往知忠以事君者與詹同晉人舍之

曰

欲得鄭君而甘心焉鄭恐乃間令使

燭之武夜絕而出

謂秦

伯曰亡鄭厚晉于晉得矣而秦未為利何不辭鄭得

為東道交秦伯遂與鄭人盟使杞子逢孫揚孫戍之

而還狐偃請擊之晉侯曰不可微夫人之力不及此

亦去之

初鄭公子蘭出奔晉從于晉侯伐鄭請無與國鄭許之使待命于東鄭石甲父侯宣多逆

以為太子以求成于晉晉許之越二年鄭文公卒子蘭嗣是為穆公

冬使宰周公聘于魯魯公子遂

即東門襄仲莊公子入聘

周公閱聘魯饗有昌歜

昌蒲

白熱稻熱黍

形鹽辭

曰國君文足昭也武可畏也則有備物之饗吾何以

堪之于是魯公子遂入聘京師

壬辰二十有三年秋晉作五軍

初晉侯作三行以禦狄

左傳注晉置三軍復增置至三行以避天子六軍名

是蒐于清原

在山西絳州稷山縣西北

舍三行而作五軍

更為上下新軍

使趙衰為卿

為新軍帥

後復舍二軍

仍為三軍趙盾將中軍始為國政事在三

十一年

冬十有二月衛遷于帝邱

注見前

狄圍衛衛遷帝邱卜曰三百年

左傳疏衛自此年以後歷十九君積四百

二十年衛元君乃徙野王後為秦所滅

已癸

二十有四年冬十有二月晉侯重耳卒

晉文公卒子驪立

是為襄公

是年楚鬬章請平于晉晉陽

處父

晉大夫

報之晉楚始通

甲午

二十有五年春二月秦人入滑夏四月晉人及姜戎

姜姓之戎居晉南鄙

敗秦師于殽

即峭山在今河南府永寧縣

杞子自鄭使告于秦曰鄭人使我掌其北門之管若

潛師以來國可得也秦伯訪諸蹇叔

百里奚之友奚嘗游囿于秦蹇

叔收之及秦用奚奚薦之穆公穆公以厚幣迎為上大夫蹇叔曰勞師以襲遠不

可公辭焉召孟明西乞白乙

史記百里奚子孟明視蹇叔子西乞術及白乙

丙出師蹇叔子與師哭而送之

蹇叔曰晉人禦師必于穀穀有二陵焉其

南陵夏后皋之墓也其北陵文王之

所避風雨也必死是間予收爾骨焉

秦師遂東北門

左右免胄而下起乘者三百乘王孫滿尚幼觀之曰秦師輕而無禮必敗

及滑鄭商人弦

高以牛十二犒師且使遽告于鄭鄭人使視客館則

東載厲兵秣馬矣遂辭焉

杞子奔齊逢孫楊孫奔宋

孟明日鄭有

備矣不可冀也滅滑而還晉先軫曰秦違蹇叔而以

貪勤民天奉我也奉不可失敵不可縱必伐秦師遂

發命遽興姜戎子墨衰經

子謂晉侯山服從戎故墨之

敗秦師于

殽獲孟明西乞白乙

以歸

遂墨以葬文公晉于是始墨

文嬴

文公夫人

請三帥使歸就戮于秦公許之

先軫朝問秦囚公曰夫人請之吾舍之矣

先軫怒曰武夫力而拘諸原婦人暫而免諸國墮軍實而長寇讐亡無日矣公使陽處父追之及諸河則

在舟中矣

三帥歸秦伯素服郊次哭曰孤違蹇叔以辱二

三子孤之罪也大夫何罪且吾不以一眚掩大德

乙未

二十有六年春二月癸亥日有食之

夏使毛伯

姬姓伯爵食采于毛地在畿內世為王卿士

錫魯侯命魯叔孫得臣

叔牙孫來拜命

魯僖公卒

子與嗣是為文公

王使毛伯衛如魯錫魯侯命魯

使叔孫得臣來京師拜賜命

晉侯

襄公

來朝于溫伐衛

晉文公之季年諸侯朝晉衛侯不朝使孔達

衛大夫伐

鄭及是晉侯既祥使告于諸侯而伐衛及南陽先且

居

先軫子

曰效尤禍也請君朝王

左傳注時王在溫故勸之

臣從師

晉侯朝王于溫先且居胥臣伐衛圍戚

古戚城在今直隸大名府

開州取之衛人使告于陳陳侯穆公子曰更伐之我辭

之衛孔達帥師伐晉于是晉侯疆戚田正其疆界魯公孫

敖會之

後晉以卻狄言復歸戚田于衛卻狄芮之子

冬十月楚世子商臣弑其君頤

初楚子將以商臣為太子訪之令尹子上子上曰是

人也蠹目而豺聲忍人也不可立弗聽既又欲立子

職

商臣庶弟

而黜商臣商臣聞之未察告其師潘崇曰若

之何察之潘崇曰享江芊

楚子妹

而弗敬也從之江芊

怒曰呼役夫宜君王之欲殺女而立職也告潘崇曰

信矣乃以宮甲

楚有東宮之卒

圍楚子楚子請食熊蹯而死

熊掌難熟冀久將有外救

弗聽楚子縊商臣乃自立

見為楚穆以太子之室與

潘崇使為太師掌環列之尹

丙申

二十有七年夏六月晉士穀

士薦子

會宋公陳侯鄭伯魯公孫

敖盟于垂隴

今河南開封府滎澤縣有故隴城亦謂之都尉城即春秋垂隴

晉司空士穀會諸侯及魯公孫敖盟于垂隴晉討衛

故也陳侯為衛請成于晉執孔達以說明年衛侯如

陳拜晉成又明年晉人歸孔達于衛衛侯如晉拜

陳氏傳良曰大夫而敵諸侯于是始

丁酉二十有八年夏秦伯伐晉誓于軍

殺之役晉人既歸秦帥秦大夫及左右皆言于秦伯曰是孟明之罪也請殺之秦伯曰是孤之罪也孤實

貪以禍夫子夫子何罪復使為政明年孟明帥師伐

晉以報殺之役晉侯禦之戰于彭衙

陝西同州府白水縣有衙縣故

城今為彭衙堡即春秋彭衙

秦師敗績秦伯猶用孟明孟明增修

國政重施于民晉趙衰言于諸大夫曰秦師又至將

必避之懼而增德不可當也至是秦伯伐晉濟河焚

舟

今山西蒲州府永濟縣有孟盟橋即秦伯濟河焚舟處盟師必克因以名橋

取王官

王官

城在蒲州府虞鄉縣南近王官谷

及郊

春秋彙纂注臨晉平陽間小邑

晉人不出遂

自茅津濟

今山西解州平陸縣有沙澗渡亦名茅津渡在黃河北岸南對陝州即春秋茅津

封轂中尸發喪哭之三日乃誓于軍

作秦誓

以申思不

用蹇叔之謀且曰令後世以記余過

秋楚人圍江冬王叔會晉陽處父伐楚以救江

楚師圍江晉以告于王王叔

桓公王叔虎文公及之子以爵系為氏

晉陽處父伐楚以救江門于方城遇息公子朱而還

左傳注子朱楚伐江之帥聞晉師起而江兵解故晉亦還

戊戌二十有九年秋楚人滅江

秦伯為之降服

素服也

出次

辟正寢

不舉

去或饌

過數

鄰國之禮

有數秦伯過之

大夫諫公曰同盟滅雖不能救敢不矜乎吾

自懼也

命秦伯為西方諸侯伯

戎人由余自戎歸于秦

由余其先晉人亡入戎能晉言戎王使覲秦秦伯賢之以

內史廖言遣戎王以女樂而歸由余戎王說女樂由余數諫弗聽秦伯數使人間要由余由余遂降秦

秦伯以客禮禮之用其謀伐戎益國十二開地千里

遂霸西戎王使召公過賜秦伯以金鼓命為西方諸

侯伯

亥巳

三十年秋楚人滅六

注見前

冬滅蓼

今河南光州固始縣有蓼城岡古蓼國

魯臧孫辰聞六與蓼滅曰臯陶庭堅不祀忽諸

六蓼皆臯

後陶之德之不建民之無援哀哉

子庚

三十有一年秦伯任好卒子瑩嗣

是為康公

以子車氏

秦大夫

之三子奄息仲行鍼虎為殉

秦自武公卒初

以人皆秦之良也國人哀之為之賦黃鳥

詩序秦風黃鳥哀三

良也國人刺穆公以人從死而作是詩

辛丑

三十有二年春三月魯取須句

今山東泰安府東平州有須昌故城即須句國

須句風姓司太皞之祀魯僖公時邾人滅之成風

僖公

母風姓

言于公公伐邾取須句而反其君至是魯取須

句

純太皞之祀

置邾子之子焉

左傳注邾文公子叛邾在魯故魯使為須句大夫

夏晉人及秦人戰于令狐

今狐城在山西蒲州府猗氏縣今名令狐村

晉先蔑

即士伯奔秦

晉襄公卒太子夷臯少晉人以難故欲立長君趙盾

曰

趙盾趙衰子狄女叔隤出

立公子雍

文公子仕秦為亞卿

好善而長先君

愛之且近在秦秦舊好也足以為援乃使先蔑士會

士蒍之孫別邑于隨故亦曰隨季

如秦逆公子雍

賈季欲立文公子樂亦使召于陳趙

盾殺諸耶賈季殺陽處父而奔狄賈季即狐射姑偃之子

秦伯康公

送公子雍

于晉曰文公之入無衛故有呂卻之難乃多與之徒

衛晉太子毋嬴

穆嬴

曰抱太子以啼于朝曰先君何

罪其嗣亦何罪舍適嗣不立而外求君將焉寘此出

朝則抱以適趙氏頓首于趙盾曰先君奉此子而屬

諸子曰此子也才吾受子之賜不才吾唯子之怨今

君雖終言猶在耳而棄之若何趙盾與諸大夫皆患

嬴氏且畏偪

畏國人以大義來偪己

乃背先蔑而立夷皋

是為靈公

以禦秦師訓卒利兵秣馬蓐食潛師夜起敗秦師于

令狐先蔑奔秦士會從之

壬寅

三十有三年秋八月王崩子壬臣立

是為頃王

頃王

癸卯

元年春毛伯

注見前

如魯求金魯使叔孫得臣來京師葬

襄王

先是襄王崩魯使公孫敖入弔不至以幣奔莒及將

葬毛伯如魯求金魯復使得臣來京師會葬

三月楚人伐鄭晉宋人魯人衛人許人救鄭

范山

楚大夫

言于楚子曰晉君少志不在諸侯北方可

圖也楚子師于狼淵

左傳注潁川潁陰縣有狼
陂潁陰即今河南許州以伐

鄭因公子堅公子廐及樂耳

皆鄭大夫

鄭及楚平魯公子

遂會晉趙盾宋華耦

皆晉大夫

衛孔達許大夫救鄭不及

後鄭復請成于晉

盟于新城事在王六年

新城
宋地在今歸德府商邱縣西南晉

伐齊宋

齊弑昭公于舍宋弑昭公俱詳後

皆取賂而還鄭以晉不足

與遂盟于楚

事在匡王五年

夏楚侵陳

楚子以陳服于晉侵之克壺邱

左傳注陳邑

秋楚公子朱

也息公復自東夷伐陳陳人敗之獲公子穀陳懼乃及

楚平

左傳注以小勝大故懼而請平

明年陳侯鄭伯會楚子于息遂及

蔡侯次于厥貉

春秋彙纂注厥貉杜注地闕當在今陳州項城縣

將伐宋宋

公

威公子昭公杵臼

逆楚子勞且請命遂道以田孟諸

爾雅十藪

宋有孟諸今河南歸德府商邱縣有孟諸澤

後陳共公卒

子平國立是為靈公

楚不

禮焉陳遂受盟于晉于是楚復侵陳晉趙盾帥師救

之楚人囚晉解揚

晉大夫後復還晉

晉師乃還

事在匡王五年

乙巳三年冬十月魯叔孫得臣敗狄

史記作翟

于鹹

左傳注魯地

左傳注僑如身長三丈已屬不經而解殺梁者且以身橫九畝為五丈四尺荒誕好奇更可笑矣

秦晉自般至此凡六交兵故楚於其間得以吞

鄭瞞

左傳注秋國名防風氏之後漆姓

侵齊遂伐魯魯侯使叔孫得

臣追之遂敗之于鹹獲長狄僑如

左傳注鄭瞞國之君身長三丈殺梁

傳射其目身橫九畝斷其首而載之眉見于軾范甯穀梁集解九畝五丈四尺

殺之埋其首

于子駒之門

左傳注魯郭門僑如骨節非常恐後世怪之故詳其處史記宋武公之世鄭瞞

伐宋宋獲長翟綠斯晉之滅潞獲僑如弟焚如齊惠公二年鄭瞞伐齊獲其弟榮如衛人獲其季弟簡如

鄭瞞由

是遂亡

丙午四年冬十有二月晉人秦人戰于河曲

左傳注在河東蒲坂縣蒲坂故城在今山西蒲州府

永濟縣黃河自永濟折而東入解州之尚城謂之河曲

噬康厲兼侵陳
鄭而開霸業時
晉君方幼軍謀
不協其不能與
楚爭宜矣迨至
戰啣而敗其不
至孱弱者幾希

秦為令狐之役伐晉取羈馬

今蒲州府永濟縣有羈馬城亦謂之涉邱晉

人禦之從秦師于河曲與駢

趙盾屬大夫新佐上軍

曰秦不能

久請深壘固軍以待從之士會謂秦伯曰必與駢為

此謀以老我師也趙穿

趙夙庶孫

有寵而弱好勇而狂若

使輕者肆焉其可秦軍遂掩晉上軍趙穿追之不及

怒將獨以其屬戰趙盾曰秦獲穿歸我何以報乃皆

出戰交綏

綏郤也秦晉兵未至爭而兩退故曰交綏

是夜秦師遁復侵晉

入瑕

故瑕城在蒲州府臨晉縣

晉患秦之用士會也使魏壽餘

畢萬

之後偽以魏

注見前

叛降秦時秦師河曲魏人在東壽餘

曰請東人之能與夫二三有司言者吾與之先秦伯

使士會既濟魏人譟而還

士會將行繞朝贈之以策曰子無謂秦無人吾謀適

不用也秦人歸士會之帑其處者為劉氏

戊申六年春王崩子班立

是為匡王

頃王崩周公閱與王孫蘇爭政將訟于晉王

匡王不

與王孫而訟

理之也

周公于晉晉趙盾平王室而復之

復使和好

秋七月有星孛入于北斗

左傳注孛彗也既見而移入北斗

九月齊公子商人弑其君舍

齊昭公卒

昭公孝公弟孝公卒昭公因開方殺其子而立

子舍即位舍母魯

叔姬無寵舍無威商人驟施于國而多聚士舍立甫

三月商人弑之而讓公子元

桓公子商人兄

元曰爾求之久

矣我能事爾商人乃自立

是為懿公公子元不順懿公之為政終不曰公曰夫

己氏

匡王

己酉 元年夏六月辛丑朔日有食之

戊戌 二年秋楚人秦人巴人

今四川重慶府古巴國巴縣其國都也

滅庸

注見前

楚大饑戎伐之庸人率羣蠻以叛麇人

文獻通考麇國在均州鄖

鄉今湖北鄖陽府鄖縣故鄖鄉縣也

率百濮

杜預春秋釋例建寧南有濮夷各以邑落自聚故稱

百濮地理今釋建寧故城在今荊州府石首縣

聚于選

左傳注楚地在今荊州府枝江縣南將

伐楚楚人謀徙于阪高

左傳注楚險地

為賈曰不可我能往

寇亦能往不如伐庸夫麇與百濮謂我饑不能師故

伐我也若我出師必懼而歸乃出師旬有五日百濮

遂罷使廬戢黎

廬廬戎也今湖北襄陽府南漳縣有中廬故城即廬國戢黎廬大夫

庸庸人逐之囚子揚窗

戢黎官屬

逸歸曰庸師衆不如復

大師且起王卒合而後進潘阼

潘崇子字師叔

曰不可姑又

與之遇以驕之乃與之過七過皆北庸人曰楚不足

與戰矣遂不設備楚子

楚穆之子名旅是為楚莊

乘駟會師于臨

品

春秋彙纂注臨品地名在今襄陽府均州界

分為二隊子越自石溪子

貝自仞

左傳注石溪仞入庸道俱在均州界

以伐庸秦人巴人從楚師

遂滅庸

冬十有一月宋人弑其君杵臼

昭公

宋公子鮑

昭公庶弟

禮于國人宋饑竭其粟而貸之

七年自

以上無不餽貽也國之材人無不事也親自桓以下無不恤也

襄夫人

襄公夫人

助之施

宋公

昭公

無道國人奉公子鮑以因夫人夫人將使

公田而殺之公知之盡以寶行蕩意諸

公子蕩孫以名為氏世為

司城

曰盍適諸侯公曰不能其大夫至于君祖母

昭公成公

子襄公孫

以及國人諸侯誰納我盡以其寶賜左右使行

夫人使謂意諸去公對曰臣之而逃其難若後君何

公田孟諸未至夫人使帥甸

郊甸之帥

攻而殺之意諸死

焉公子鮑即位

是為文公

壬子四年夏五月齊人弑其君商人

齊侯為公子時與邠歃之父爭田弗勝及即位掘而

刖之

左傳注斷其尸足

而使歃僕

御車也

納閭職之妻而使職

驂乘齊侯游于申池

齊南城西門名申門左右有池

二人浴于池歃

以扑扶

擊也

職職怒歃曰人奪汝妻而不怒一扶何

傷職曰與刖其父而不能病者何如乃共謀弑齊侯

納諸竹中歸舍爵而行

飲酒訖乃去

齊人立公子元

是為惠公

冬十月魯侯興

文公卒

公子遂弑其君之子赤

一名惡

及公子視

立公子倭

是為宣公

夫人姜氏歸于齊

魯文公二妃長妃姜

哀姜

生赤及視次妃嬴

敬嬴

生

倭嬴嬖而私事公子遂文公卒遂以倭長欲立之叔

仲彭生

字惠伯叔牙孫別為叔仲氏

不可遂乃之齊以立倭請齊

侯新立欲親魯許之遂歸殺赤及視而立倭以君命召彭生其宰公冉務人止之曰入必死彭生曰死君

命可也乃入殺而埋之夫人姜氏歸于齊哭而過市
曰天乎仲為不道殺適立庶市人皆哭魯人謂之哀
姜

莒弑其君庶其

紀公

莒子生太子僕又生季佗愛季佗而黜僕且多行無
禮于國僕因國人弑莒子以其寶玉奔魯魯侯命與
之邑季孫行父謚文子使司寇出諸境魯侯問其故
季友孫曰先大夫臧文仲教行父事君之禮曰見有禮于其

君者事之如孝子之養父母也見無禮于其君者誅之如鷹鷂之逐鳥雀也夫僕弑君父其人則盜賊也其器則姦兆也保而利之則主藏也是以去之

甲寅六年春二月宋華元

御事子督曾孫為右師

及鄭公子歸生帥師戰于

大棘

今河南歸德府柘城縣西北有大棘城故址

宋師敗績獲宋華元

鄭公子歸生受命于楚伐宋宋華元樂呂

宋戴公曾孫為司寇

禦之戰于大棘宋師敗績囚華元獲樂呂初華元殺羊饗士其御羊斟不與及戰曰疇昔之羊子為政今

日之事我為政與入鄭師故敗宋人以兵車百乘文

馬百駟贖華元于鄭半入華元逃歸

宋城華元巡功城者謳曰睥其

目瞞其腹棄甲而復于思于思棄甲復來元使謂之曰牛則有皮犀兕尚多棄甲則那役人曰縱其有皮丹漆若何華元曰去之夫其口衆我寡

秋九月晉趙盾弑其君夷臯

晉侯虐

公羊傳靈公使諸大夫內朝處乎臺上引彈而彈之大夫趨而避丸是樂諸大夫出于朝

有人荷菴自閨而出趙盾視之膳宰也趙盾驟諫晉

熊蹯不熟以斗擊而殺之支解使棄之

侯患之使鉏麇賊之晨往盾寢門已闢盛服將朝蚤

匡王庚戌至甲寅五年之間宋齊魯皆魯凡五弑君較準鳴爾之亂有過之無不及也

而假寐寢歎曰不忘恭敬民之主也賊民之主不忠
棄君之命不信有一于此不如死也觸槐而死晉侯
飲趙盾酒伏甲將攻盾其右提彌明知之趨登曰臣
侍君宴過三爵非禮也遂扶以下

公噉夫葵明
搏而殺之鬪且

出提彌明死之靈輒為公介

公甲士

倒戟以禦公徒而

免盾

初盾田首山舍于翳桑見靈輒餓食之舍其半
問之曰願遺母盾使盡之而益與之簞食與肉

使遺母至是既免盾問何故對曰翳
桑之餓人也問其名居不告因亡去盾遂奔趙穿弑

晉侯于桃園盾未出山而復晉太史董狐

周辛有
之後書

曰趙盾弑其君以示于朝盾曰不然對曰子為正卿
亡不越境反不討賊非子而誰盾使趙穿逆公子黑

臀

文公

于周而立之

是為成公

冬十月王崩弟瑜立

是為定王

定王

乙卯元年春楚子伐陸渾之戎

注見前

楚子伐陸渾之戎遂至于雒觀兵于周疆王使王孫

滿

周大夫

勞楚子楚子問鼎之大小輕重對曰在德不

在鼎德之休明雖小重也其姦回昏亂雖大輕也天

祚明德有所底止成王定鼎于郊鄆

注見前

卜世三十

卜年七百周德雖衰天命未改鼎之輕重未可問也

丙辰

二年夏六月鄭公子歸生弑其君夷

穆公子靈公

楚人獻鼃于鄭伯公子宋

即子公

與歸生

即子家

將見宋

食指動以示歸生曰他日我如此必嘗異味及入宰

夫將解鼃相視而笑鄭伯問之歸生以告鄭伯食諸

大夫鼃召宋而弗與宋遂染指于鼎嘗之而出鄭伯

怒欲殺宋宋與歸生謀先歸生不可宋反譖歸生歸

生懼而從之遂弑鄭伯鄭人立穆公之庶子堅

是為襄公

後歸生卒鄭人斷其棺逐其族

秋七月楚殺鬬椒

即子越椒

楚鬬般

子文之子子揚

為令尹椒為司馬為賈為工正賈譖

般而殺之椒為令尹賈為司馬椒又惡賈乃以若敖

氏之族圍賈于轅陽

春秋彙纂注楚地漢武封江喜為轅陽侯即此

而殺之

遂處烝野

左傳注楚地

將攻楚子師于漳澁

漳水名澁水澁水經漳水

出臨沮荆山注漳水南逕當陽縣右會沮臨沮今湖北襄陽府南漳縣當陽今縣屬湖北安陸府沮水

在其北

楚子與若敖氏戰椒射楚子師退楚子鼓而進

之遂滅若敖氏初椒始生子文曰必殺之是子也熊

虎之狀而豺狼之聲弗殺必滅若敖氏子良

子文弟椒之父

不可子文以為大憾至是若敖氏果滅子文孫箴尹

官名

克黃

子揚

使于齊還及宋聞亂人曰不可入矣

克黃曰棄君之命獨誰受之君天也天可逃乎遂歸
復命自拘于司敗楚子思子文之治國曰子文無後

其何以勸善使復其所改命曰生

未已五年河徙

漢書溝洫志大司空掾王橫言周譜定王五年河徙蔡沈尚書集傳程氏大昌曰周

河至春秋始有徙蓋其時諸侯各私其土或開

時河徙矜磔胡渭禹貢雖指大昌禹貢論但云河徙故漬無矜磔字蔡傳所引誤

初大禹導河自積石

即大雪山注見前考大雪山在今青海境內名阿彌耶瑪勒

而河失其性不能復循故道所以徙也既徙之後歲月寢久就下之勢自東而南豈能復歸於北而賈讓王橫輩乃欲決遮害

津水遶山又闢展西南有大澤曰羅布淖爾即古蒲昌海葉爾羌和闐兩河東行注之即古于闐葱嶺兩河所謂合注蒲昌海潛行出于積石者大雪山西有山曰庫爾坤阿爾坦河出焉是即漢書所云河有重源者其東北有泉名鄒敦搭拉則元史所云星宿海也至孟津龍門底柱俱已見前茲不具載考河流自孟津過洛汭水曲流曰汭洛水入河處舊以上至今不改過洛汭在鞏縣今在開封府汭水縣

亭緣西山足載
河高地使北入
海此誠大謬之
論且河之入海
必挾一大川與
俱故於北則挑
漳於東則優濟
於南則奪淮益
自禹時至今皆
然治之者於所
挾之川而利導
之救其弊而不
泥於古可耳一
勞永逸言之易
而行之難

西及至大伾即黎山在今河南衛輝府濬縣東南乃醜二渠史記禹所二渠以引

河北載之高地禹貢雖指二渠自黎陽宿胥口始
一北流為大河一東流為漯川東北至千乘入海北

過降水即漳水以合絳水故亦名絳兼通為降也禹貢雖指河之經流自大伾西南折而北為宿

胥口又東北合漳至于大陸即廣阿澤在直隸趙州隆平縣東北跨保定府

東鹿縣順德府鉅鹿任二縣及又北播為九河注亦深州下流至寧晉縣為胡盧河見前

同為逆河入于海蘇軾書傳云逆河者既分為九又合為一以一逆八而入于海也

帝堯八十載告厥成功至是凡一千六百七十六年

河始決宿胥口水經注宿胥口舊河水北入東徙漯川即禹醜二渠之一禹

河由大伾之西而北流河徙後由大伾之南而
東流于是禹河北過降水至大陸之道遂堙
逕長

壽津

在今衛輝府滑縣東北禹貢錐指河行
深川右經滑臺城又東北至長壽津

與漯別

行

水經謂之大河故瀆東北逕戚城西今直隸開州
地又東北逕發干縣故城西今山東堂邑縣地西

流逕鬲縣故城西今山東德州地又
北逕安陵縣西今直隸吳橋縣地

東北至成平

交

河復合于禹故河

水經注大河故瀆至東光縣故城
西而北與漳水合禹貢錐指大河

自宿胥口徙流至成平合漳水復歸禹河故道歷浮
陽平舒至章武入海以今輿地言之濬縣滑縣開州

及館陶堂邑平原德州吳橋東光交河滄州靜海天
津諸州縣界中皆周定王五年至西漢末大河之所

行此黃河大徙之始也

余氏闕曰自周定王時河始東徙訖于漢而禹之故道遂失西京時受惠特甚自狐子再決遂流為也氏諸河東都至唐河不為害者千有餘年至宋而河又南決乃由彭城合汴泗東流以入淮

冬晉侯宋公魯侯衛侯鄭伯曹伯會于黑壤

今山西澤州府沁水縣有

烏嶺即春秋晉黑壤

鄭及晉平公子宋之謀也故相鄭伯以會盟于黑壤

王叔桓公

臨之以謀不睦

左傳注王叔衛天子命初臨諸侯不同敵故不書初

晉侯之立鄭舍楚即晉故楚人侵鄭

王元年

又三伐鄭

王之二年及三年四年

取成而還

取成于厲鄭伯逃歸

至是復與晉盟于

是楚子復伐鄭

事在王七年

晉人救之既而鄭及楚平晉

以諸侯伐鄭遂取成焉

事在王八年

是冬楚伐鄭晉以諸

侯之師戍鄭

庚申

六年秋七月甲子日有食之既

冬使單子

單襄公韋昭國語注王卿士單朝

聘于宋遂自陳聘于楚

王使單子聘于宋遂假道于陳以聘于楚火朝覲矣

火心星覲見也謂夏正十月晨見于辰

道第不可行候

候人

不在疆司

空不視塗澤不陂川不梁野有庾積

庾露積穀也

場功未

畢道無列樹墾田若藝

發田曰墾藝猶蒔也言其布少猶若藝物

膳宰不

致餼司里不授館國無寄寓縣無施舍民將築臺于

夏氏

陳大夫夏微舒之家

及陳陳侯

名平國恭公之子靈公

與公孫寧儀

行父

陳二卿

南冠

楚冠也

以如夏氏

夏微舒祖少西字子夏後遂以字為氏

留賓弗見單子歸告王曰陳侯不有大咎國必亡

辛酉

七年夏魯仲孫蔑

謚獻子文伯穀之子

入聘

王微聘于魯魯使仲孫蔑入聘王以為有禮厚賄之

秋九月晉侯宋公衛侯鄭伯曹伯會于扈

今河南懷慶府原武縣扈亭是

晉荀

林父帥師伐陳

初陳即楚晉趙盾衛孫免侵陳陳及晉平

事在王四年于

是楚師伐陳取成而還

在六年

至是晉合諸侯于扈陳

侯不會荀林父以諸侯之師伐陳晉侯卒于扈乃還

晉成公卒于孺嗣是為景公

壬戌八年夏四月丙辰日有食之

五年陳夏徵舒弑其君平國

陳侯與公孫寧儀行父通于夏姬

左傳注夏姬鄭穆公女陳大夫御叔

妻夏徵舒母

皆衣其相服

婦人近衣曰相

以戲于朝洩冶

陳大夫

諫曰君臣淫亂民何效焉陳侯以告二子遂殺洩冶
陳侯飲酒于夏氏謂行父曰徵舒似女對曰亦似君
徵舒病之伏弩廐門俟陳侯出弑之公孫寧儀行父
奔楚太子午奔晉徵舒自立為陳侯

秋使王季子

即劉康公公羊傳王母弟也左傳注季子王大夫故稱字其後食采于劉今河南府偃師

縣有劉聚亦曰劉亭即劉子邑

聘于魯

春秋書王聘止此

報仲孫蔑之聘也發幣于大夫季孫行父仲孫蔑皆

儉叔孫僑如公孫歸父

公子遜子

皆侈歸王問魯大夫孰

賢對曰季孟

孟即仲孫氏

其長處魯乎叔孫東門

遜居東門因以

為氏其亡乎若家不亡身必不免王曰何故對曰臣聞

之寬肅宣惠君也敬恪恭儉臣也今二子者儉儉則

能足用用足則族可以庇二子者侈侈則不恤匱匱

而不恤憂必及之王曰幾何對曰東門之位不若叔

孫

東門大夫叔孫卿也

而泰侈焉不可以事二君叔孫之位不

若季孟

叔孫下卿季孟上卿

而亦泰侈焉不可以事三君

王十六年

歸父謀去三桓使如晉未反魯宣公薨三桓逐歸父
遂奔齊簡王十一年僞如通于宣公夫人穆姜欲去
季孟而專公室國人逐之亦出奔齊

癸亥

九年夏楚子陳侯鄭伯盟于辰陵

陳地今河南陳州府淮寧縣有辰亭即春

秋辰陵也

楚子伐鄭及櫟

注見前

鄭公子去疾

字子良穆公子

曰晉楚不

務德而兵爭與其來者可也晉楚無信我焉得有信

乃從楚楚盟于辰陵陳鄭服也

于時楚益強或主盟列國

冬十月楚人殺陳夏徵舒楚子入陳

楚子伐陳謂陳人無動將討于少西氏遂入陳殺夏

徵舒轅諸栗門

陳城門

因縣陳申叔時諫曰

時使于齊還

夏

徵舒弑其君其罪大矣討而戮之君之義也今縣陳

貪其富也以討召諸侯而以貪歸之無乃不可乎楚

子曰善乃復封陳納公孫寧儀行父于陳迎太子午

于晉而立之

是為成公

鄉取一人焉以歸謂之夏州

在今湖北

漢陽府漢陽縣夏口北蘇秦說楚威王曰楚有夏州即莊王處陳人之所

子甲
十年春楚子圍鄭

三月克之入自皇門

鄭南門曰皇門

至于達路鄭伯肉袒牽

羊以迎楚子曰其君能下人必能信用其民矣庸可

幾乎退三十里而許之平潘尫入盟鄭公子去疾出

質

鄭自此服于楚至王二十一年蟲牢之盟方與晉成

夏六月晉荀林父帥師及楚戰于邲

鄭地今河南開封府鄭州東有邲城

晉師敗績

晉師救鄭

荀林父將中軍先穀佐之士會將上軍卻克佐之趙朔將下軍藥書佐之趙括趙嬰

齊為中軍大夫犇朔韓穿為上軍大夫荀首趙同為下軍大夫韓厥為司馬先穀且居之子趙朔盾之

子樂書枚之孫趙括嬰齊同皆看異母弟鞏朔即
士莊伯韓穿韓氏族荀首林父弟韓厥萬曾孫及

河聞鄭既及楚平荀林父欲還曰無及于鄭而勦民
焉用之士會曰善會聞見可而進知難而退軍之善
政也兼弱攻昧武之善經也子姑整軍而經武乎猶
有弱而昧者何必楚先穀曰晉所以霸師武臣力也
今失諸侯不可謂力有敵而不從不可謂武且成師
以出聞敵彊而退非夫也以中軍佐濟韓厥謂林父
曰彘子即先穀以偏師陷子罪大矣事之不捷惡有所

師克在和偏師
先濟不和甚矣
其敗可立待乃
知其必敗而使
諸帥與之同罪
是以三軍之命
分一人之謗也
韓厥為晉臣之
佼佼者何以持
此說而林父竟
從之至僨事敗
續愛戰宜耳士
渥濁乃謂其進
思盡忠晉侯從
而免之其謬甚
矣

分與其專罪六人同之不猶愈乎不如進也師遂濟

楚子北師次于郢

左傳注鄭邑即康延

將飲馬于河聞晉師既

濟欲還嬖人伍參欲戰令尹孫叔敖弗欲

史記孫叔敖楚之處

士虞邱相進之楚莊王為楚相施教導民政緩禁止吏無姦邪盜賊不起秋冬勸民山採春夏以水各得

其所便民皆樂其生

考孟子孫叔敖舉于海趙岐

注叔敖隱處海濱楚莊王舉之以為令尹其說與史

記同杜預左傳注則從服虔之說以叔敖為薦賈之子即為父獵也案左傳薦賈為子趙叔所殺叔敖或

以是而隱處亦未可知南轅反旆伍參曰晉之從政

者新未能行令其佐先穀剛愎不仁未肯用命晉師

必敗楚子告令尹改乘轅而北之次于管

今開封府鄭州管城

廢縣

以待晉師在敖鄩

山名在開封府榮澤縣西北

之間楚子使

求成于晉晉人許之盟有日矣魏錡

魏犢子求公族未得

及趙

旃

趙穿子求卿未得

請使召盟皆命而往

卻克請設備先穀不可士會使鞏朔

韓穿設七覆于敖前趙嬰齊使其徒先具舟于河

魏錡遂請戰楚潘黨逐之

趙旃夜至楚軍席于軍門之外使其徒入之楚子逐

趙旃楚人懼其入晉軍遂出陣令尹命疾進師車馳

卒奔乘晉軍林父不知所為鼓于軍中曰先濟者有

賞中軍下軍爭舟舟中之指可掬也晉師右移上軍

未勅士會殿其卒而退不敗

楚熊負羈囚荀瑩荀首以其族反之曰不以人

子吾子其可得乎射連尹襄老獲之遂載其尸射公子穀臣囚之以二者還荀瑩首之子穀臣楚莊之

子楚子軍于邲次于衡雍

注見前

潘黨請築京觀

積尸封土

其上謂之京觀

弗許祀于河作先君宮告成事而還晉師歸

林父請死晉侯欲許之士渥濁

士氏族諡貞子

諫曰林父進

思盡忠退思補過社稷之衛也若之何殺之晉侯使

復其位明年先穀召赤狄伐晉及清

原即清

晉人討邲

之敗與清之師殺先穀而滅其族

冬十有二月楚子滅蕭

注見前

楚子伐蕭宋華椒

華氏族

以蔡人救蕭蕭人囚熊相宜

僚及公子丙

皆楚大夫

楚子曰勿殺吾退蕭人殺之楚子

怒遂圍蕭蕭潰申公巫臣

屈蕩子

曰師人多寒楚子巡

三軍拊而勉之三軍之士皆如挾纊

丁卯十有三年夏五月宋人及楚人平

楚子使申舟

即文之母畏

聘于齊曰無假道于宋

先是楚穆與宋

公田于孟諸母畏扶宋公之僕故惡
宋曰我必死楚子曰殺女我伐之及宋宋華元殺

之于是楚子圍宋宋使樂嬰齊告急于晉晉侯欲救

之伯宗

晉大夫

曰雖鞭之長不及馬腹天方授楚未可

與爭君其待之乃止使解揚如宋使無降楚曰晉師

悉起將至矣鄭人囚而獻諸楚楚子賂之使反其言

不許三而許之登諸樓車使呼宋人而告之遂致其

君命楚子將殺之曰爾既許不穀而反之非我無信

女則棄之速即爾刑對曰君能制命為義臣能承命

為信義無二信信無二命君之賂臣不知命也受命

以出有死無賈又可賂乎臣之許君以成命也死而

成命臣之祿也死又何求楚子舍之以歸楚師將去

宋申犀

申舟子

稽首于馬前曰毋畏知死而不敢廢王

命王棄言焉申叔時僕

為御也

曰築室反耕者宋必聽

命從之宋人懼使華元夜入楚師

公羊傳莊王圍宋軍有七日之糧耳

盡此不勝將去而歸于是使司馬子反乘堙而聞宋城宋華元亦乘堙而出見之

登子反

公

側之床起之曰寡君使元以病告曰敝邑易子而食

析骸以爨雖然城下之盟有以國斃不能從也去我

三十里唯命是聽子反懼與之盟而告楚子退三十

里宋及楚平

華元為質盟曰我無爾詐爾無我虞

王札子

左傳注王札子王子札也經文倒札字公羊注天子之庶兄

殺召伯毛伯

王孫蘇與召氏毛氏

三人皆王卿士

爭政使王子捷

即子札

殺

召伯

戴公

毛伯

衛其後立戴公之子襄

秋魯初稅畝

履畝而稅也

左傳注周法民耕百畝公田十畝借民力而治之稅不過此是十取其一今又

履其餘畝復十收其一遂以為常故曰初

戊辰十有四年春三月晉獻狄俘

先是晉荀林父帥師滅赤狄潞氏

潞赤狄別種今山西潞安府潞城縣

東北有潞縣故城春秋潞子國

晉侯使趙同獻俘于王不敬劉子

即王

季子劉康公

曰不十年原叔

趙同字

必有大咎至是士會復

滅赤狄甲氏

在今直隸廣平府雞澤縣境

及留吁

今潞安府屯留縣有統留故城

即留吁國鐸辰

留吁之屬再獻狄俘晉侯請于王以黻冕命士

會將中軍且為太傅

左傳注太傅孤卿左傳疏天子太傅三公之官諸侯太傅孤卿

之官上公得置孤卿一人晉
為伯主雖侯亦得置孤卿
于是晉國之盜逃奔于

秦

夏成周宣榭火

火公羊傳作災何休曰有室曰寢無室曰榭徐彥疏但有大殿無室名曰榭

宣宮之榭

何休曰宣王之廟也

樂器藏焉

何休曰中興所作樂器

至是災

冬晉侯使士會入聘

為毛召之難王室復亂王孫蘇奔晉晉人復之使士

會平王室

國語作聘

王享之穀烝

升穀于俎也

原公

原襄公周大夫相

禮士會私問其故

享當體薦而穀烝故問

王聞之召士會曰季

王室陵敗其不能守先王之舊者多矣乃區區於穀烝而守其

禮不亦大可笑乎左傳於類此者多加聚語足知其見之固耳

氏

士會字季

而弗聞乎王享有體薦

半解其體而薦之

宴有折俎

體解節折升之于俎

公當享卿當宴王室之禮也士會不敢對

而退歸乃講聚三代之典禮修執秩

秩常也可奉以執以為常

為晉法

已已十有五年夏六月癸卯日有食之

晉侯魯侯衛侯曹伯邾子同盟于斷道

晉地今山西沁州東有斷梁城即春

秋斷道

晉侯使卻克徵會于齊齊侯

頃公名無野惠公子

惟婦人使觀

之卻克登婦人笑于房

穀梁傳季孫行父禿晉卻克眇衛孫良夫跛曹公子手僂

同時而聘于齊齊使禿者御僂者眇者御眇者跛者御跛者僂者御僂者蕭同姪子處臺上而笑之聞于客客不悅而去孫良夫衛武公曾孫孫仲之後以字為氏蕭同姪子詳注後

卻克怒先歸

請伐齊晉侯不許于是諸侯會于斷道辭齊人

齊侯使高

固晏弱蔡朝南郭偃會高固逃歸晉人執晏弱蔡朝南郭偃苗賁皇言于晉侯緩晏弱遂逸明年晉侯衛太子臧伐齊齊侯會晉侯盟于緄以公子疆為質于晉蔡朝南郭偃逃歸高固僂之孫晏弱齊公族嬰之父苗賁皇楚越椒是年晉士會請老卻克為政子奔晉以食邑為氏

冬十有一月魯侯弟叔肸卒

叔肸魯侯同母弟

魯侯殺子赤叔肝非之與之財不受織屨而食終身
不食魯侯之食至是卒

未^辛十有七年春三月魯作邱甲

魯宣公卒子黑肱立

是為成公

為齊難故

左傳注前年魯乞師于楚欲以

伐齊楚師作邱甲

左傳注周禮九夫為井四井為邑四邑為邱邱十六井出戎馬一匹

牛二頭四邱為甸甸六十四井出長轂一乘馬四匹牛十二頭甲士三人步卒七十二人此甸所賦今魯

使邱出之是重斂矣

十有八年夏六月晉郤克魯季孫行父衛孫良夫曹公子首

棄之戰齊侯以婦人起釁固自取覆敗而卻克以帷房一笑之憾舉兵於甥舅之國且要其君母為質無禮已甚不二十年三卻同誅族遂降為皂隸天之報施固不爽也

公羊穀及齊侯戰于鞏

今山東濟南府應城縣藥山南有鞏山舊傳晉伐齊戰于鞏即

此齊師敗績

先是齊伐魯北鄙取龍

今山東泰安府泰安縣西南有龍鄉城即魯龍邑

遂

南侵衛孫良夫帥師將侵齊與齊師遇戰于新築

左傳

注衛地春秋彙纂注今直隸大名府魏縣南有新築城

衛師敗績

新築人仲叔于奚救良夫

良夫是以免衛人賞之邑辭請曲縣繁纓以朝許之後孔子聞之曰惜也不如多與之邑惟名與器不可

以假良夫如晉乞師魯臧孫許

謚宣叔文仲子

亦乞師于晉

皆主卻克克請八百乘晉侯許之卻克

將中及士燮

將上軍士燮即范文子士會之子

樂書

將下

韓厥

為司馬

將以救魯衛魯季孫行父帥師會之師從齊師

至于靡笄之下

春秋彙纂注靡笄山名史記晉平公伐齊戰于靡下徐廣曰靡當作歷志

曰歷山即左傳所謂靡笄之山也在歷城縣南

陳于鞌邴夏御齊侯逢丑父

為右晉解張御卻克鄭邱緩為右齊侯曰吾姑翦滅

此而朝食不介馬而馳之卻克傷于矢流血及屨未

絕鼓音解張曰師之耳目在吾旗鼓吾子勉之左并

轡右援枹而鼓馬逸不能止師乘之齊師敗績逐之

三周華不注

山名在歷城縣東北伏琛齊紀不讀如附與詩鄂不之不同言此山孤秀如花

也逢丑父與齊侯易位齊侯乃免

韓厥及齊侯車逢丑父使公下如華

泉取飲鄭周父載齊侯以免韓厥獻丑父卻克曰人不難以死免其君殺之不祥救之

晉師從

齊師及馬陘

左傳注齊邑春秋彙纂注在今益都縣西南

齊侯使國佐歸

父

子左傳作賓媚人注國佐也

賂以紀甌

玉甌也

玉磬

甌磬皆齊滅紀所得

與地

卻克曰必使耕者東畝

壑畝皆東西行以利戎車

且以蕭同叔子

為質

左傳注同叔蕭君字齊侯外祖父子女也難斥言其母故遠言之公羊穀梁俱作蕭同姪子公

羊曰齊君之母穀梁曰蕭同姪子之母范甯集解蕭國也同姓也姪子字也其母更嫁齊惠公生頃公楚

人滅蕭故隨其母在齊

國佐曰使耕者東畝則是土齊也

晉以齊為

己之土地

蕭同叔子齊君之母也齊君之母猶晉君之母

也不可請戰三戰不勝齊子之有也何必質晉人乃

許之盟于袤婁

在青州府臨淄縣西博物記臨淄有袤婁

使齊人歸魯汶

陽之田

汶水注見前田在汶水之北故曰汶陽

晉使鞏朔獻齊捷王命委于三吏

左傳注三公也左傳疏曲禮曰五官之長

曰伯其攢于天子也曰天子之吏是知三公稱吏也

晉侯使鞏朔獻捷于王王弗見使單子

襄公朝

辭焉曰

兄弟甥舅侵敗王畧王命伐之告事而已不獻其功所以敬親暱也今叔父遂有功于齊不使命卿鎮撫

王室而鞏伯實來未有職司于王室

鞏朔上軍大夫名位不達王室

又奸先王之禮

謂獻齊捷

余雖欲于鞏伯其敢廢舊典以

忝叔父夫齊甥舅之國又大師之後也寧不亦淫從

其欲以怒叔父抑豈不可諫誨鞏朔不能對王使委

于三吏禮之如侯伯克敵使大夫告慶之禮降于卿

禮一等王以鞏伯宴而私賄之使相告之曰非禮也勿籍

冬十有一月魯侯及楚人秦人宋人陳人衛人鄭人齊人曹人邾人

薛人

薛仕姓國注見前

鄭人盟于蜀

魯地今泰安府泰安縣西有蜀亭

初魯宣公求好于楚會楚莊卒

子審嗣是為楚共

宣公亦卒

皆在十六年

不克作好及魯侯即位與晉盟

赤棘之盟在十七年

棘音地

衛亦受盟于晉從伐齊故楚令尹嬰齊

即子重帥

師侵衛遂及魯仲孫蔑往賂公衡

成公子

為質楚人許

平于是魯侯與蔡侯許男秦右大夫說宋華元陳公

孫寧衛孫良夫鄭公子去疾及齊國之大夫盟于蜀

是役也畏晉而竊與楚盟謂之匱盟

私竊為盟盟終不固匱乏之道

也蔡侯許男乘楚車謂之失位故春秋不書

癸酉

十有九年冬十有二月晉作六軍

左傳注僭王也

韓厥趙括鞏朔韓穿荀驪

荀氏族

趙旃皆為卿賞宰之

功也

韓厥為新中軍趙括佐之鞏朔為新上軍韓穿佐之荀驪為新下軍趙旃佐之

乙亥二十有一年夏梁山崩

梁山在陝西同州府韓城縣西北接邠陽縣界詩奕奕梁山爾

雅梁山晉望水經注河水南遶梁山原是也

梁山崩壅河三日不流晉侯以傳召伯宗遇絳人問

之曰國主山川故山崩川竭君為之不舉降服

損威服

乘縵

車無文

徹樂

息八音

出次

舍于郊

祝幣

陳玉帛

史辭

自罪責

以禮焉如此而已伯宗遂以告晉侯從之

冬十有一月王崩子夷立

是為簡王

十有二月晉侯齊侯宋公

文公子共公

魯侯衛侯鄭伯曹伯邾子杞伯

同盟于蟲牢

即桐牢在河南開封府封邱縣後漢書郡國志陳留郡封邱有桐牢亭或曰古蟲牢

襄字記俗謂之桐渦

初晉侯以諸侯伐鄭鄭公子偃

字子游穆公子

禦之敗諸邱

與

左傳注
鄭地

使皇戌如楚獻捷

事在王
十九年

鄭襄公卒子費

嗣

是為
悼公

使公孫申

即叔
申

疆許田許人敗諸展陂

春秋
彙纂

注許地在今河
南許州西北

鄭伯悼公

伐許取鉏任泠敦之田

春秋

彙纂注俱
在許州境

晉欒書救許伐鄭楚公子側救鄭

事在王
二十年

鄭伯與許男訟田于楚鄭伯不勝歸而請成于晉于

是諸侯盟于蟲牢鄭服也明年楚公子嬰齊伐鄭晉

欒書帥師救鄭又明年晉侯復盟諸侯于馬陵

衛地
今直

隸大名府元
城縣有馬陵城

鄭獲楚鄖公鍾儀獻諸晉

晉因鍾儀
于軍府晉

侯見之南冠而縶使稅之與之琴操南音范文子曰
楚囚君子也盍歸之使合晉楚之成晉侯重為之禮
而歸之事在
簡王四年

御批歷代通鑑輯覽卷五

欽定四庫全書

御批歷代通鑑輯覽卷六

周

簡王

丙子元年晉遷于新田

今山西平陽府曲沃縣有絳邑故城即晉新田地景公遷都於此

晉人謀去故絳

左傳注晉復命新田為絳故謂此為故絳諸大夫皆曰必

居郇瑕氏之地

今山西蒲州府臨晉縣有瑕城即郇瑕晉有二瑕其一鄭燭之武所云焦

瑕在河南陝州閿鄉縣其一即此

沃饒而近鹽

音古說文鹽河東鹽地

國利君

韓厥謂山澤林
鹽令民驕而公

貧此雖沃土民
淫之義然管仲
不用此以伯齊
乎亦視經理之
何如耳

樂韓厥曰郇瑕水薄土淺不如新田土厚水深夫山

澤林監國之寶也國饒則民驕佚近寶公室乃貧

民多

逐未田賦不供不可謂樂晉侯從之遷新田

吳

注見前

子乘

即壽夢史記秦伯無子武王求仲雍之後得周章已君吳因而封之索隱壽夢仲

雍十八

代孫

來朝

壽夢始立朝王適楚觀諸侯禮樂後與魯侯會于鍾

離

今江南鳳陽府鳳陽縣有鍾離故城古鍾離子國

問周公禮樂魯侯悉為

陳之因咏歌三代之風壽夢曰孤在夷蠻以椎髻為

俗豈有斯之服哉因嘆而去

丁丑二年吳入州來

今江南鳳陽府鳳臺縣北
有下蔡故城春秋州來邑

初楚莊圍宋師還公子嬰齊請申呂為賞田申公巫

臣曰不可楚莊乃止嬰齊以是怨巫臣公子側欲取

夏姬巫臣止之而自取以奔晉故側亦怨之側與嬰

齊遂殺巫臣之族而分其室巫臣自晉遺二子書曰

余必使爾罷于奔命以死于是巫臣請使于吳通吳

于晉教吳戰陣使之伐楚伐巢

今江南廬州府
巢縣周巢伯國

伐徐

至是入州來嬰齊側一歲七奔命蠻夷屬于楚者吳盡取之是以吳始大通于上國

戊寅三年晉殺其大夫趙同趙括

趙嬰齊通于趙朔之妻

莊姬晉成公女

趙同趙括放諸齊

事在定王

二十一年朔妻以故譖于晉侯曰原屏將為亂晉侯討而

殺之趙武

朔之子莊姬出謚文子

從姬畜于公宮以其田與祁

奚

氏族畧奚獻侯之教食于祁因以為氏今太原府祁縣是也

韓厥言于晉侯曰

成季之勲

謂趙衰

宣孟之忠

謂趙盾

而無後為善者其懼

記載異辭考史不若繼傳證傳又不若徵經春秋于魯成八年書晉殺其大夫趙同趙括不及趙朔也十年書晉侯驕卒去同括之殺二年而已據此則史記所載屠岸賈下宮之討程嬰之

匿趙孤十五年
不問而知其為
妾不知即子經
世書何以採之

矣乃立武而反其田

史記趙盾卒子朔嗣朔娶晉成公姊為夫人晉景公三年屠岸

賈為司寇治靈公之賊攻趙氏于下宮殺趙朔趙同趙括趙嬰齊滅其族朔妻有遺腹走公宮匿免身生男屠岸賈索之朔客公孫杵臼與朔友程嬰曰立孤與死孰難嬰曰死易立孤難杵臼曰子彊為其難者我為其易者乃取他人兒匿之程嬰出謬告諸將攻殺公孫杵臼及孤兒程嬰以真孤匿山中居十五年景公疾卜之大業之後不遂者為祟公問韓厥厥知趙孤在乃曰大業之後在晉絕祀者其趙氏乎具以實告公乃以韓厥之衆脅諸將立趙孤名曰武攻屠岸賈滅其族與趙武曰邑如故程嬰曰我將下報趙宣孟與公孫杵臼遂自殺此所載與左傳異

孔穎達春秋正義曰史記稱趙朔妻成公姊為夫人案傳趙哀嫡妻文公之女若朔妻成公之姊則亦文

公之女父之從母不得為妻賈服先儒皆以為成公之女故杜氏從之史記又稱屠岸賈攻殺趙盾趙同趙括崇成二年傳藥書將下軍則朔已死矣不得于此年與同括俱死于是晉君明諸臣強無容有屠岸賈顧其間如此專恣又稱公孫杵臼取他兒代武死程嬰置武山中因晉侯有疾韓厥請立武為趙氏後與左傳背違其說不可從

卯巳

四年晉人執鄭伯

悼公子
成公賄

楚人以重賄求鄭鄭伯會楚公子成于鄧

注見前

尋鄭

伯如晉晉以其貳于楚執諸銅鞮

今山西沁州有銅鞮故城在州西南

藥書伐鄭鄭人使伯蠲行成晉人殺之鄭公孫申謀

曰我出師以圍許為將改立君者而紓晉使晉必歸

君遂圍許明年鄭公子班

即子如

聞叔申謀立公子繻

成公庶子鄭人殺繻立髡頑

成公世子

公子班奔許藥書曰鄭

人立君我執一人焉何益不如伐鄭而歸其君晉侯

有疾立世子州蒲

是為厲公

為君而會諸侯伐鄭鄭公子

喜

字子罕穆公子

賂以襄鍾

鄭襄公之廟鍾

子然

穆公子

盟于修澤

今河

南懷慶府原武縣有修武亭亦曰修魚即春秋修澤

公子駢

字子馬穆公子

為質鄭伯

歸討立君者殺叔申及其弟叔禽是夏晉景公卒

辛巳六年命王季子單子取御田

御音侯今河南懷慶府武陟縣西南有御人亭

即周御田于晉

晉郤至

即溫季蒲城鵲居之子謚昭子

與王室爭御田王使劉子

康公

即王季子單子

襄公

訟諸晉郤至曰溫吾故也故不敢失

劉子單子曰昔蘇忿生以溫為司寇厥後蘇氏即狄又

不能于狄而奔衛

事見襄王二年

襄王勞文公而賜之溫

見襄

王十七年狐氏

狐毛之子漆為溫大夫

陽氏

陽處父居溫

先處之而後及

子若治其故則王官之邑也

左傳疏御是溫之別邑襄王賜晉以溫不賜以

御也御本未嘗屬 晉故曰王官之邑 子安得之晉侯使郤至弗敢爭

壬午 七年晉士燮及楚公子罷許偃皆楚大夫盟于宋

宋華元善于楚公子嬰齊時為令尹又善于晉欒書時將中軍

聞楚人既許晉成王之四年晉歸楚鍾儀楚使公子辰聘晉修好五年晉使糴莠如楚

報之遂如楚復如晉合晉楚之成于是晉士燮會楚公

子罷許偃盟于宋西門之外鄭伯遂如晉受成

癸未 八年魯侯來朝遂會晉侯齊侯頃公子靈公環宋公衛侯鄭

伯曹伯邾人滕人伐秦

初秦晉將會于令狐晉侯先至秦伯

桓公

不肯涉河

次于王城使史黶

秦大夫

盟晉侯于河東晉卻犇

步陽之子

又名州亦

盟秦伯于河西

事在王

秦伯歸而背晉成

曰苦叔成

六年

又召狄與楚欲道以伐晉于是晉侯使卻錡

克之子字駒伯

如魯乞師魯侯至京師以諸侯朝王遂從王季子

即

康成子

成肅公

會晉侯及諸侯之師伐秦晉侯使呂相

魏錡子

絕秦及秦師戰于麻隧

在今陝西西安府涇陽縣北

秦師

敗績獲秦成差及不更女父

左傳注不更秦爵

師遂濟涇及

侯麗

春秋彙纂注侯麗劉伯莊云在涇陽境

而還成肅公卒于瑕

先是成子

受服于社不撤劉子曰民受天地之中以生所謂命也是以有動作禮義威儀之則以定命也國之大事在祀與戎今成子情棄其命矣其不及乎

乙酉 十年晉侯執曹伯歸于京師

伐秦之役曹宣公

名盧文公子

卒于師

事在王八年

曹人使公

子負芻守公子欣時

即子臧

逆曹伯之喪

二子皆宣公庶子

負

芻殺其太子而自立

是為成公事在九年

至是晉侯及諸侯盟

于戚執負芻以歸于京師諸侯將見子臧于王而立

之辭曰聖達節次守節為君非吾節也敢失守乎遂
逃奔宋後曹人請負芻于晉事在十一年晉人使謂子臧
曰反吾歸而君子臧反晉釋曹伯歸自京師子臧盡
致其邑與卿而不出

晉士燮齊高無咎

固之子

宋華元魯叔孫僑如衛孫林父

良夫之子鄭公子鮪邾人會吳于鍾離

鍾離注見前此會吳之始亦晉以諸侯之

大夫為會之始

始通吳也後魯仲孫蔑衛孫林父會吳于善道

事在靈王

吳通上國晉實
啟之晉之通吳

本欲藉以疲楚
不知吳既押楚
即將抗晉黃池
爭長已兆于鍾
離之會矣

四年吳使壽越如晉請聽諸侯之好晉人使魯衛先
會春秋彙纂注阮勝之南兗州記云盱眙本吳善
道地今盱眙縣
隸江南泗州

是年諸侯會吳于戚後又會吳于壽

夢于祖

事在靈王九年春秋彙纂注祖

諸侯之大

夫又會吳于向

事在靈王十三年向鄭地今開封府尉氏縣西南有向城

丙戌十有一年夏六月丙寅朔日有食之

晉侯及楚子鄭伯戰于鄢陵

即鄢注見前

楚子鄭師敗績

先是楚將北師

事在王十年

公子負

即子囊楚莊子曰

新與晉盟

而背之不可公子側曰敵利則進何盟之有楚子遂

侵鄭及暴隧

鄭地路史曰暴辛公采邑後為鄭有

復侵衛及首止

注見前

鄭公子喜侵楚取新石

春秋彙纂注楚邑在今南陽府葉縣界

至是楚

以汝陰之田

汝水南近鄭之田

求成于鄭鄭叛晉使公子駢

從楚盟于是晉侯將伐鄭士燮不欲藥書曰不可以

當吾世而失諸侯師遂起鄭人聞有晉師使告于楚

楚子救鄭遇于鄢陵士燮曰惟聖人能內外無患自

非聖人外寧必有內憂蓋釋楚為外患乎甲午晦楚

晨壓晉軍而陳藥書曰楚師輕窵固壘而待之三日

必退退而擊之必獲勝卻至曰楚有六間

二卿相惡王卒以舊

鄭陳而不整蠻軍而不陳陳不違晦在陳而驚

不可失也苗賁皇言于晉侯

曰楚之良在其中軍王族而已請分良以擊其左右

而三軍萃于王卒必敗之晉侯從之及戰魏錡射楚

子中目

楚子召養由基與之兩矢使射錡中頂伏殺以一矢復命

楚師薄于險晉

囚其公子茂

卻至從鄭伯鄭伯之御石首納旌于殽中乃免

旦而戰見星未

已楚公子側命軍吏察夷傷補卒乘鷄鳴而食將復

戰穀陽豎獻飲于側側醉楚子召之不能見楚子曰

天敗楚也夫乃宵遁晉入楚軍三日穀士變立于戎馬之前曰君幼諸臣不佞也何以及此君其戒之

楚師還公子側自殺

丁亥十有二年冬十有二月丁巳朔日有食之

晉殺其大夫卻錡卻犇卻至

晉侯多外嬖反自鄆陵欲盡去羣大夫而立其左右

胥童夷陽五

國語作夷陽午

長魚矯三人俱怨卻氏

胥童胥克子卻

缺為政廢胥克卻錡奪夷陽五田卻犇與長魚矯爭田執而梏之

而嬖于晉侯藥書

以郤至不從已而敗楚師

鄢陵之戰 蠻書欲固壘郤至言楚有六間必克之

欲廢之使楚公子校

鄢陵之戰所獲

告晉侯曰此戰也郤至

實召寡君曰此行必敗吾奉孫周

晉襄公之曾孫

以事君晉

侯告欒書書曰其有焉盍使諸周而察之郤至聘于

周欒書使孫周見之晉侯使覘之信遂怨郤至胥童

夷陽五帥甲八百將攻郤氏長魚矯請無用衆晉侯

使清沸魋

亦嬖人

助之三郤將謀于榭矯殺郤錡郤犇

于其位郤至欲逃矯及諸其車殺之胥童以甲刳欒

書中行偃

即荀偃荀庚之子荀林父嘗為中行遂以官為氏

于朝請殺之晉

侯弗許矯曰不殺二子憂必及君遂出奔狄晉侯使

書偃皆復其位

初三卻害伯宗譖而殺之韓獻子曰卻氏其不免乎善人天地之紀也而

驟絕之不亡何待伯宗每朝其妻必戒之曰盜憎主人民怨其上子好直言必及于難伯宗死于州犁奔楚

子戌十有三年晉弑其君州蒲

晉侯使胥童為卿遊于匠麗氏

嬖大夫家

藥書中行偃執

晉侯召士匄

士嬖之子即范宣子

士匄辭召韓厥厥曰二三子

不能事君焉用厥也樂書中行偃殺胥童使程滑

晉大

夫弑晉侯葬之于冀東門之外以車一乘

先是諸侯伐鄭會于

柯陵周單襄公見晉侯視遠步高卻錡見其語犯卻
驥見其語迂卻至見其語伐單子曰晉將有亂其君
與三卻當之乎君子目以定體足以從之今晉侯目
不在體而足不步目其心必異矣卻氏晉之寵人也
三卿而五大夫可以戒懼矣今卻伯之語犯叔迂季
伐犯則陵人迂則誣人伐則掩人有是寵也而益之
以三怨誰能忍之未幾晉
殺三卻及是厲公被弑

晉逆公孫周于京師立之

是為悼公史記晉襄公少子捷號桓叔桓叔最愛生惠伯

談談生周韋昭國語注晉不畜羣
公子故談子周適周事單襄公

國語之譽公孫
周末免太過然
觀其初至清原
時數語而帖強

臣其才固有大過人者朱子謂其儘勝桓文惜其冲齡入嗣在位不久而其臣又不過荀營魏絳之徒故僅成三駕之功而不能更有所進也

晉樂書中行偃既弑厲公使荀瑩

即智武子荀首別邑于智故又以智

為士魴

士會子亦曰魴共子

逆周子于京師而立之生十四年

矣

國語周事單襄公立無跋視無旋聽無聳言無遠

晉國有憂未嘗不戚有慶未嘗不怡襄公疾召其子頃公而告之曰必善晉周將得晉國其行也文

能文則得天地天地所胙小而後國晉仍無道而鮮

曹其將失之矣必蚤

注見前

大夫逆于清原周子曰孤

善晉子其當之也始願不及此雖及此豈非天乎抑人之求君使出命

也立而不從將安用君二三子用我今日否亦今日共

而從君神之所福也對曰羣臣之願也敢不唯命是

聽盟而入朝于武宮遂不臣者七人二月即位于朝

始命百官施

施恩惠

舍

舍勞從

已責

止道責

振廢滯禁淫慝

薄賦歛宥罪戾使魏相

即呂相佐下軍

士

將新

魏頡

魏顗子別

為令趙武

與頡俱佐新軍

為卿

荀家荀會藥麋韓無忌為公族大夫使訓卿之子弟士渥

濁為太傅修士會之法右行辛為司空修士為之法

藥糾御戎使訓諸御荀賓為右使訓勇力之士祁奚

為中軍尉羊舌職佐之魏絳為司馬張老為候菴鐸

過魁為上軍尉籍偃為司馬使訓卒乘程鄭為聚馬

禦使訓羣騶

荀家荀會荀賓皆荀氏族藥麋書之子韓無忌厥之子右行辛其先將右行以官為氏藥

糾亦曰弁糾藥氏族羊舌職晉武公曾孫突為羊舌

大夫遂以為氏職叔向父魏絳犇之子籍偃其先伯

廩司晉典籍以官為氏程鄭荀氏別族羣騶謂諸掌駕之官凡六官之長皆民譽也

巳丑

十有四年晉欒廩宋華元魯仲孫蔑衛甯殖

俞之孫謹惠子

曹人莒人邾人滕人薛人圍宋彭城

注見前

初宋司馬蕩澤

蕩氏宋桓公子蕩之後澤亦曰子山

殺公子肥

宋文公子

華

元

為右師

出奔晉魚石

公子魚曾孫時為左師

止之于河上華元

遂復入以國人攻蕩氏殺澤于是魚石及向為人

宋桓

公子射字向父其後以字

鱗朱

桓公子鱗元孫以名為氏朱時為少司寇

向帶

時為太宰

魚府

時為少宰

俱出奔楚

事在王十年

楚子鄭伯伐

宋取彭城魚石遂入于彭城

向為人鱗朱向帶魚府亦入焉楚以三百乘戍

之而

宋老佐

戴公五世孫時為司馬

及華喜

華父督元孫時為司徒

帥師

圍之楚令尹嬰齊救彭城伐宋宋華元如晉告急韓

厥為政曰欲求得人必先勤之成霸安疆自宋始矣

晉侯遂以師救宋遇楚師于靡角之谷

左傳注宋地

楚師

還晉使士魴如魯乞師魯仲孫蔑會諸侯于虛打

春秋

彙纂注虛打杜注闕或云

即宋之虛在今睢州界

謀救宋

事在王十三年是年魯成公卒子午

嗣是為襄公至是諸侯之大夫圍彭城彭城降晉晉人以

宋五天夫在彭城者歸賓諸甄邱即壺邱亦曰陽壺其故城在今山西

絳州垣

曲縣

王崩太子泄心立是為靈王

靈王

庚寅元年晉荀瑩齊崔杼天之子宋華元魯仲孫蔑衛孫林

父曹人邾人滕人薛人小邾人曹姓邾使之後封于邾今山東兗州府滕縣邾

城是也本附庸會于戚遂城虎牢戚虎牢注後進爵小邾子俱見前

初諸侯會于沙隨

今河南歸德府寧陵縣沙隨城是

尹子

周尹武公

及晉

侯

厲公

以諸侯伐鄭

事在簡王十一年

既而鄭公子騂侵晉

虛滑

左傳注晉之二邑

衛北宮括

即懿子衛威公曾孫

侵鄭至于高氏

今河南開封府

禹州有高氏亭

楚人戍鄭尹子單子

單襄公朝

會晉侯

亦厲

公

及諸侯盟于柯陵

左傳注鄭西地

以伐鄭楚公子嬰齊救

之諸侯師還尋又伐鄭楚再救之諸侯復還

事在簡王十二

年彭城之役晉韓厥帥諸侯之師伐鄭入其郛敗其

兵于洧上

事在簡王十四年洧水出河南府登封縣馬嶺山經鄭州許州合溱水為雙洎河

至是鄭伯疾公子駢請息肩于晉鄭伯不可既卒

子兒

頑嗣是為僖公

晉師宋師衛師侵鄭鄭人不從晉乃會諸侯

之大夫于戚以謀鄭魯仲蔑曰請城虎牢以逼鄭晉

人從之鄭乃行成明年單子會晉侯及諸侯盟于雞

澤

今直隸廣平府雞澤縣西南有會盟臺即春秋諸侯盟處

為鄭服故也

晉侯之弟楊干

亂行于曲梁魏絳戮其僕晉侯怒謂羊舌赤曰必殺

魏絳無失也對曰絳事君不避難有罪不逃刑其將

來辭言終魏絳至授僕人書將伏劍公請其書曰臣

聞師衆以順為武軍事有死無犯為敬君合諸侯臣

敢不敬臣懼其死以及楊干無所逃罪請歸死于司

寇公跣而出曰寡人之言親愛也吾子之討軍禮也

祁奚之舉外內
不避後世率以
為賢然必舉者
祁奚其人而所
舉者又狐午其
人然後可否則
外舉務為名高
內舉拘於所溺
藉口古人適以
濟私又何取也
晉魏絳和戎五
利與漢趙充國
屯田十二事意

子無重寡人之過反役使絳佐
新軍 羊舌赤字伯華職長子後二年晉侯復會諸

侯于戚鄭伯皆來會

史記晉會諸侯于雞澤悼公問羣臣可用者祁奚舉解狐解狐

奚之仇復問舉其子午子子曰祁奚可謂不黨矣外舉不隱仇內舉不隱子

辰三年晉大夫魏絳盟諸戎

無終子嘉父

無終山戎國名字爵嘉父字也今順天府薊州有無終故城即無終子國使

孟樂

無終之臣

如晉因魏絳納虎豹之皮以請和諸戎晉侯

曰戎狄無親而貪不如伐之魏絳曰諸侯新服將觀

于我我德則睦否則攜貳勞師于戎諸華必叛晉侯

同而辭亦類絳之語簡以該充國之語詳以盡然以言內弱而外強之時耳若夫知幾制勝能自樹立者固不可執一而論矣

曰然則莫如和戎乎對曰和戎有五利焉戎狄薦

聚也

居責貸易

輕也

土土可賈焉一也邊鄙不聳民狎其野

穡人成功二也戎狄事晉四鄰振動諸侯威懷三也

以德綏戎師徒不勤兵甲不頓四也鑒于后羿

有夏之衰

羿因夏民以代夏政其臣寒浞殺之事詳見前而用德度遠至邇安五也君

其圖之晉侯說乃使魏絳盟諸戎

癸巳
四年諸侯戍陳

初楚公子壬夫

即子辛

為令尹侵欲于小國

多欲無厭侵害小國

鷄澤之盟陳侯使袁僑

左傳注疏
塗四世孫

如會求成

事在二年

楚司馬公子何忌遂侵陳會陳成公卒

子溺嗣是為哀公

楚

人聞喪乃止陳人卒不聽楚命楚彭名侵之使頓

河今

南陳州府項城縣北有南頓故城古頓子國漢書地理志應劭注頓迫于陳其後南徙故號南頓

間

陳而伐之陳人圍頓

事在三年

至是晉侯合諸侯于戚以

成陳楚令尹公子貞

楚人討陳叛故知由令尹子辛乃殺子辛而以子囊為令尹

帥師伐陳

晉士鯀曰楚人討貳而疾伐陳陳近于楚能無往乎

晉侯復合諸侯

于城棣

今河南開封府陽武縣北有南棣北棣二城即春秋城棣

以救之後楚公

子貞圍陳晉侯率諸侯會陳侯于郕

是時鄭伯會郕公子駝相使賊

夜弑鄭伯以瘡疾赴于諸侯

立子嘉是為簡公郕鄭地

陳人患楚使告陳侯于

會曰君若不來羣臣不忍宗廟社稷懼有二圖陳侯

逃歸

事在王六年

丁酉八年晉侯宋公魯侯衛侯曹伯莒子邾子滕子薛伯

杞伯小邾子齊世子光伐鄭同盟于戲

即戲童在河南開封府汜水縣

南水經注汜水出

浮戲之山是也

鄭既與晉成公子發

即子國穆公子

公孫輒

即子耳穆公孫

侵蔡獲

其司馬公子燮

蔡莊公子

諸侯會于邢邱

即今河南懷慶府溫縣平臯故

城濮書地理志河南

郡平臯晉曰邢邱

鄭伯獻捷以聽命

是會晉侯以命朝聘之數

使諸侯之大夫聽命魯季孫宿齊高厚宋向戌衛甯殖邾大夫會之季孫宿行父之子謚武子高厚固

之子向戌宋桓

公子肸之孫

于是楚公子貞帥師伐鄭

子駟曰姑從楚以紓吾民晉師

至吾又從之犧牲玉帛陳于二境以待强者而庇民

焉子展曰小所以事大信也晉君方明四軍無闕八

卿和睦必不棄鄭不如完守以老楚

仗信以待晉子馬曰從楚非受其咎鄭及楚平事在王七

年晉侯率諸侯伐鄭師于汜

鄭有二汜東汜在新鄭南汜在襄城此東汜也

秦晉圍鄭秦

軍汜南即此鄭人恐復行成于晉中行偃曰遂圍之

以待楚人之救而與之戰智鑒曰許之盟而還師以
敝楚吾三分四軍與諸侯之銳以逆來者于我未病
楚不能矣猶愈于戰乃許鄭成同盟于戲晉師還晉
侯謀所以息民者魏絳請施舍自公以下苟有積者

盡出之國無滯積亦無困人公無禁例亦無貪民祈

以幣更

不用

賓以特牲器用不作

仍其舊

車服從給

正足

路

行之期年國乃有節三駕而楚不能爭

左傳注三駕三興師

也一師于牛首二師于向三

觀兵于鄭東門自是鄭遂服

戊戌九年晉侯使士匄平王室

先是王使王叔陳生

王叔周卿士

愬戎于晉王叔貳于戎

晉士魴執之以如京

師事在四年

及是王叔與伯與

王卿士

爭政王右伯與王叔怒而出奔及河王復之不入晉

侯使士匄平王室王叔之宰與伯與之大夫瑕禽坐

獄于王庭士匄聽之曰天子所右寡君亦右之所左

亦左之使王叔與伯與合要王叔不能舉其契

春秋疏使

其兩相辨答伯與詞直王叔不能舉要契之詞也

王叔奔晉單子

頃公子靖公

為卿

士以相王室

己亥 十年魯作三軍

魯季孫宿告叔孫豹

得臣之子穆子

請為三軍

左傳注魯上下二軍皆屬于公

有事三卿更率以征伐季氏欲專其民人故假立中軍因以改作

各征其軍豹不欲

宿固請之乃盟諸僖閔

僖公廟門

詛諸五父之衢

元和志五父衢

在曲阜縣東南

正月作三軍三分公室各有其一三子各毀

其乘

各自壞其舊時車乘分以足成三軍使各自屬其軍

季氏使其乘之人以

其役邑入者無征

春秋疏後謂共官力役則今之丁也邑謂賦稅若今之租調也以其後

侯國制應二軍然費誓稱魯人三郊三遂說者以為大國三軍之証則魯有三軍舊矣魯頌兵車千乘公徒三萬即三軍也然前此屬之公家而自季孫宿三分公室之後三軍皆歸私室此春秋所以書作

歟

傳稱悼公三駕
楚不能爭然考
牛首以後晉楚
並未交兵者十
二年此非晉能
制楚也蓋以吳
乘楚後力有不
暇故鄭亦一意
從晉耳說者以
成虎牢為得控

與邑皆來季氏

者則公室無征不入者倍征

若不入季氏者則使公家倍征之歐之使入已

也

孟氏使半為臣若子若弟

取其子弟之半為臣四分其乘之人以三歸公

而取其

一叔孫氏使盡為臣

盡取子弟以其父兄歸公

晉侯宋公魯侯衛侯曹伯齊世子光莒子邾子滕子薛

伯杞伯小邾子伐鄭會于蕭魚

春秋彙纂注蕭魚鄭地路史曰少昊後嬴姓國

修魚即蕭魚也

戲之盟晉人不得志于鄭復以諸侯伐之門其三門

而還尋楚子伐鄭鄭又及楚平

子駟將與楚成子孔子驤曰與大國盟口

制之宜殊未曉
當日情事

血未乾而背之可乎子馬子展曰要盟無質背之可也乃及楚平事在王八年子孔即公子嘉穆公子

子蟠即公孫使公孫軌從楚公子貞伐宋又使皇耳

皇戊侵衛衛人追之獲耳于犬邱耳于犬邱軌復受楚令伐魯圍蕭克之

魯仲孫蔑曰鄭其有災乎師競已甚于是晉侯會諸侯伐鄭師于牛首

初鄭子駟與尉止有爭至是將禦諸侯之師而黜其車尉止獲又抑之弗與獻尉止乃帥賊攻西宮之朝

殺子駟子國子耳劫鄭伯以如北宮子國之子子產攻盜于北宮獲尉止牛首牛首本河南開封府牛首城

是子產即諸侯之師城虎牢而伐之晉師城梧春秋公孫僑景蔡

注梧杜預曰鄭地案隋書榮及制即城皋在開陽縣有梧桐澗或即是梧也封府榮陽縣士魚

魏絳戍之鄭及晉平

此三駕之一

楚公子貞救鄭諸侯之

師還

繞也

鄭而南楚師不退師遂進與楚夾潁

潁水出河南登

封縣潁谷至江

而軍鄭公孫蠆與楚人盟

子蟜曰諸侯必

南潁上縣入淮

不戰矣從之將退不從亦退退楚必圍我

不如從楚亦以退之甯涉潁與楚人盟

藥廩欲伐

鄭師荀罃不可侵鄭北鄙而歸楚人亦還

事皆在王九年鄭

公孫舍之

即子展子罃之子

侵宋

鄭人患晉楚之故諸大夫曰楚弱于晉何由而使晉

師至死于我楚弗敢敵而後可固與也子展曰與宋

為惡諸侯必至吾從之盟楚師至吾又從之則晉怒甚

矣晉能驟來楚將不能吾乃固與晉大

夫說之于是子展遂侵宋以致諸侯

晉侯復會諸

侯師于向

注見前

伐鄭鄭人行成同盟于亳城北

此三駕之

二亳城西亳

也在今偃師楚公子貞乞師于秦以伐鄭鄭伯逆之

伐宋晉侯乃會諸侯悉師以復伐鄭觀兵于鄭東

門鄭使良霄

即伯有子耳之子考左傳鄭七穆皆穆公子子良之後為良氏子游之後為游

氏子國之後為國氏子罕之後為罕氏子駟之後為駟氏子印之後為印氏子豐之後為豐氏皆以字為

氏

石奩

亦作石孟

如楚告將服于晉

楚人執之後復歸于鄭

使王子

伯駢行成晉趙武入盟鄭伯鄭公孫舍之出盟晉侯

會于蕭魚

是為三駕

赦鄭囚皆禮而歸之鄭人賂晉侯以

師悝師觸師蠲

皆樂師

歌鐘二肆

肆列也縣鍾十六為一肆二肆三十二枚

及鑄磬女樂二八晉侯以樂之半賜魏絳曰子教寡

人和諸戎以正諸夏八年之中九合諸侯

史記集解服虔曰九

合一會威二會城棣三會郛四會邢邱五盟戲六會祖七會虎牢八盟宅城九會蕭魚

如樂之

和無所不諧請與子樂之辭曰國之福也君之靈也

二三子之勞也臣何力之有焉抑臣願君安其樂而

思其終也書曰居安思危思則有備有備無患敢以

此規晉侯曰子之教敢不承命賞則不可廢也子其

受之魏絳于是有金石之樂

晉悼公復霸

子十有一年吳子乘卒

壽夢四子長諸樊

春秋經書過

次餘祭

左傳作戴

次餘昧

左傳作夷

末

次季札季札賢壽夢欲立之季札讓乃立諸樊諸

樊已除喪讓位季札季札辭曰曹宣公之卒諸侯不

義曹君

成公負芻也事見簡王八年

將立子臧子臧去之君子曰

能守節札雖不才願附子臧以無失節固立之棄其

室而耕乃舍之

春秋時風教衰微攘奪相尋廢親蔑義其能超然遠引者惟魯叔胥曹子臧衛子鮮及季札數人耳歐陽修撰五代史僅得獨行者三人春秋時亦然

丑十有二年晉復三軍

晉于三軍之外作三行又作六軍至是始復大國三軍之制

晉侯蒐于綿上

即綿上聚注見前

以治兵使荀偃將中軍士

臼佐之趙武將上軍韓起

韓厥子宣子

佐之欒黶將下軍

魏絳佐之新軍無帥晉侯難其人使其什吏率其卒

乘官屬以從于下軍明年荀偃以諸侯之師伐秦無

功而還

晉人謂之遷延之後

遂舍新軍

伐秦之後欒黶之弟鍼與士鞅馳秦師鍼死士

鞅反

欒黶欲殺鞅鞅奔秦秦伯問晉大夫誰先亡對曰欒氏其在盈乎秦伯曰何故對曰武子之德在民

是庇其子欒黶死盈之善未能及人武子所施沒矣而黶之怨實章將于是乎在秦伯以為知言請于晉

而獲之士鞅即

范獻子句之子

寅十有三年春二月乙未朔日有食之

衛侯出奔齊

衛侯戒孫林父甯殖食皆服而朝日旰不召而射鴻

于囿二子從之不釋皮冠而與之言二子怒林父如

戚

戚即戚城林父食邑自獻公之立林父置其重器于戚而善晉大夫

孫蒯

文子

入使

衛侯飲之酒使大師歌巧言之卒章

左傳注巧言詩卒章曰彼何人

斯居河之麋無拳無勇職為亂階公以喻文子居河上而為亂

大師辭師曹請為之

初公有嬖妾使師曹誨之琴師曹鞭之公怒鞭
師曹三百故師曹欲歌此以怒孫子而報公 衛侯

使歌之遂誦之

恐孫蒯
不解故

蒯懼告林父林父曰君忌我

矣弗先必死遂入告蘧瑗

衛大夫
字伯玉

對曰君制其國臣

敢奸之乎遂行從近關出衛侯使子蟠子伯子皮

子三

皆羣

公子與林父盟林父殺之衛侯如鄆

注見前

使子行

亦羣

公子于林父又殺之衛侯出奔齊

齊人以郊寄衛侯其
復也以郭糧歸郊

即萊國齊滅之為邑今
山東萊州府掖縣是

衛人立公孫剽

字子叔穆公
孫是為殤公

孫林父甯殖相之以聽命于諸侯

晉侯問衛故于中
行偃對曰衛有君

矣伐之未可以得志而勤諸侯仲虺有言曰推亡固存國之道也君其定衛以待時乎于是會于戚以謀

衛定

癸卯 十有四年秋八月丁巳日有食之

甲辰 十有五年晉侯宋公魯侯衛侯

塲公劉

鄭伯曹伯莒子邾

子薛伯杞伯小邾子會于溴梁

爾雅梁莫大于溴梁溴梁水隄也今河南懷

慶府濟源縣有溴水東逕孟縣入河

大夫盟

晉悼公卒子彪立

是為平公

既葬會諸侯于溴梁宴于溫使

諸大夫舞曰歌詩必類齊高厚之詩不類荀偃怒曰

溴梁之會諸侯皆在而大夫主盟說者以為春秋之大升降然大夫之盟蓋不始此前此盟吳於向盟陳於雞澤皆大夫也追而溯之翟泉之盟王人在晉文時

已然易曰履霜
堅冰至其所由
來者漸矣

諸侯有異志矣使諸大夫盟高厚高厚逃歸于是晉

荀偃宋向戌魯叔孫豹衛甯殖鄭公孫蠆小邾之大

夫盟曰同討不庭

張氏洽曰春秋魯莊公十三年以前禮樂征伐自諸侯出而權未一也自桓文繼霸列國之政齊晉專之然猶在諸侯也自漢梁以後則皆自大夫出矣故春秋于此書大夫盟著世變之益降也

丙午十有七年晉侯宋公魯侯衛侯鄭伯曹伯莒子邾子

滕子薛伯杞伯小邾子同圍齊

齊貳于晉

士句假羽毛于齊而弗歸齊人始貳羽毛王者游車之旌齊私有之故假焉故

伐魯圍成

事在五十四年東兗州府寧陽縣東北有成城

成魯邑今山

涇梁之會

高厚逃歸齊再伐魯魯使叔孫豹如晉言齊故

事在五十四年

五年齊人以未得志于魯圍桃

今兗州府汶上縣桃鄉故城是

及防厚

圍城紇于防聊叔紇臧疇臧賈帥甲三百宵犯齊師齊師去之獲臧堅齊侯使風沙衡唁之令無死堅不

可以杖扶其傷而死防注見前臧紇即武仲文仲孫聊叔紇即叔梁紇臧疇臧賈武仲昆弟復使

邾人伐魯南鄙

事在五十六年

齊人又伐魯北鄙于是晉侯

伐齊濟河會諸侯于魯濟

古濟水經齊魯之地在齊者為齊濟在魯者為魯濟

尋涇梁之言同伐齊齊侯禦諸平陰

今山東泰安府平陰縣有故城

在縣東北即

春秋齊邑

塹防門而守之廣里

防門在今平陰縣東北水經注防門

北有光里齊人音廣與光同

即春秋所謂守之廣里者也

夙沙衛

齊靈公寺人

曰不能

戰莫如守險弗聽諸侯之士門焉齊人多死齊侯登

巫山

在今泰安府肥城縣西北亦曰孝堂山

以望晉師晉人使司馬斥

山澤之險雖所不至必旆而疏陳之

斥侯也疏建旌旗以為陳示衆

也

使乘車者左實右偽以旆先

偽以衣服為人形建旆以先驅

輿曳

柴而從之齊侯見之畏其衆也乃脫歸夜遁

師曠告晉侯曰

烏烏之聲樂齊師其遁邢伯告中行伯曰有班馬之聲齊師其遁叔向告晉侯曰城上有烏齊師其遁

師曠晉樂師邢伯韓氏別族中行諸侯之師入平陰

伯即獻子叔向即羊舌肸職次子

從齊師遂克京茲

在平陰縣東南

克邾

今平陰縣西邾山是

圍盧

今濟南府

長清縣有盧城

春秋齊盧邑

門于雍門

齊城

焚之及郭

秦周伐雍門之荻范

鞅之御以戈殺犬于門中孟莊子斬其櫓以為公琴

焚雍門及西郭南郭又焚申池之竹木及東郭北郭

孟莊子即仲孫速獻

又門于楊門

齊西

門齊侯駕將走郵棠

今萊州府平慶州東南有棠鄉亦曰甘棠社即郵棠

太子

與郭榮

齊大夫

扣馬曰師速而疾畧也將退矣君何懼

焉且社稷之主不可以輕乃止諸侯東侵及雒

地理

今釋

淮水出山東莒州雒山王人名為淮南及沂沂水注見前舊

入于泗今東流逕江南宿遷縣淮為駘馬湖明年還自沂上盟于督揚春秋

經諸侯盟于祝柯杜預曰左傳督揚即祝柯也祝柯即祝阿注見前是秋齊靈公卒故太子光

立是為莊公初靈公娶于魯曰顏懿姬無子其侄驪聲姬生光以為太子既而廢光立所嬖之子牙使高

厚傅之夙沙衛為少傅靈公疾崔杼微逆光疾病而立之靈公卒莊公即位執子牙崔杼段高厚夙沙衛

以高唐叛圍而克之醢衛于軍晉士匄帥師伐齊及穀注見前聞齊喪

乃還

楚公子午

字子庚楚令尹

帥師伐鄭

鄭公子嘉欲去諸大夫將叛晉而起楚師以去之使告楚令尹午午弗許楚子使人問之午對使者曰諸侯方睦于晉臣請嘗之若可君繼之不可收師而退

可以無害君亦無辱午遂帥師治兵于汾

今許州襄城縣東北

有汾邱城戰國策楚北有汾涇之塞是也

于是鄭公孫蠆良霄公孫黑肱

字子張穆公孫子印子

從鄭伯伐齊嘉及公孫舍之公孫夏

字子

西子馬之子

守二子知嘉謀完守入保嘉不敢會楚師楚

師門于純門

注見前

信

再宿也

于城下而還涉于魚齒之

下魚菑山在今河南汝州寶豐縣東南其下有泄水故曰涉甚雨及之楚師多凍

從徒幾盡晉人聞有楚師師曠曰不害吾驟歌北風

又歌南風南風不競楚必無功董叔晉大夫曰天道多

在西北歲在豕韋月又建亥故曰多在西北豕韋一名厭管亥之次也南師不時必

無功羊舌肸時為太傅曰在其君之德也明年鄭人患嘉

專政討純門之難公孫舍之公孫夏遂殺嘉而分其

室舍之當國夏聽政立公孫僑為卿

戊申十有九年冬十月丙辰朔日有食之

已二十年晉樂盈出奔楚

初樂厲娶于范句

即士句范釋見後

生盈范鞅以其亡秦也

范鞅奔秦

事見前

怨樂氏故與盈共為公族大夫而不相能

樂厲卒樂祁

即厲妻范句女范氏克後故祈姓

與其老州賓通幾亡

室

言亂也

矣盈患之祈懼討愬于句曰盈將為亂鞅為

之徵盈素好施士多歸焉句因其多士也信之時盈

佐下軍句使城著

左傳注晉邑

而逐之盈出奔楚句殺其

黨

箕遺黃洲嘉父司空靖祁豫董叔祁師申書羊舌虎叔隰于是知起中行喜州綽祁蒯俱出奔齊

十子皆晉大夫欒盈
之黨羊舌虎叔向弟
因籍偃羊舌赤羊舌肸祁奚言

肸于勾乃免

叔向曰祁大夫外舉不棄讐內舉不失親其獨遺我乎于是祁奚老矣聞之乘

駟而見范宣子曰謀而鮮過惠訓不倦者叔向有焉社稷之固也猶將十世宥之以勸能者若之何以虎也棄社稷宣子說與之乘以言諸公而免之不見叔向而歸叔向亦不告免焉而朝

秋九月庚戌朔日有食之

冬十月庚辰朔日有食之

晉侯齊侯宋公魯衛侯鄭伯曹伯

成公子武公滕

莒子邾子會

于商任

左傳注地闕

錮藥氏也明年復會于沙隨

注見也

以錮之

庚戌

二十有一年冬十月庚子孔子生

是年為魯襄公二十二年

孔子之先宋人也

家語孔子宋之後宋襄公熙生弗父何及厲公方祀弗父以下世為

宋卿何生宋父周周生勝勝生正考父考父生孔父嘉五世親盡別為公族故後以為氏焉孔父生子木金父金父生畢夷畢夷生父叔梁紇

家語防叔生伯夏

防叔避華氏之禍而奔魯

父叔梁紇

左傳襄公十年晉伐偪陽偪陽人啟門諸侯之士門焉縣門發聊人紇挾之以出門者又襄公十七年聊叔紇帥甲三百宵犯齊師孔安

母顏氏

家語叔梁紇生九女無子

國曰聊孔子父叔梁紇所治邑

其妾生孟皮有足疾乃求婚于顏氏顏氏三女其小

曰徵在顏父問三女曰聊大夫聖王之裔其人身長

子尺武力絕倫雖年大性嚴不足為疑三子孰能為之妻徵在進曰從父所制父曰即爾能矣遂以妻之徵在既廟見以夫之年長懼不時有男而私禱尼山以祈焉以是年庚戌之歲十

月庚子生孔子

公羊傳魯襄公二十一年冬十一月

月庚子孔子生考是年十月為庚辰朔經有明文則庚子為二十一日迄六旬而再得庚子則當在十二月不得在十一月也杜預左傳注孔子魯襄公二十二年生至哀公十六年七十三歲也羅泌路史餘論公羊子言十一月是月固無庚子孔氏家譜祖庭記俱云二十二年十月庚子乃二十七日周正十月乃今之八月今定著八月二十七日為先聖孔子生日羅氏之論如此今以杜預春秋長歷合之是年酉月為甲戌自甲戌推至庚子為二十七日酉月今八月周十月也

于魯昌平鄉鄆邑

括地志昌平山在泗水縣南孔子生昌平鄉蓋鄉取
山為名闕里志昌平山在曲阜縣東南其東即尼山
又東為顏母山連泗水鄒縣界
鄒邑今曲阜縣東南郛城是也孔子生而圻項因名

焉為兒嬉戲陳俎豆設禮容及長為委吏科量平為

司職吏

今氏前編注職讀為
械繫養儀牲之所

畜蕃息魯仲孫纘

即孟
僖子

孟莊子庶子

使其子何忌

孟懿
子

與南宮适

居南宮因
氏字子容

孝伯獨之子

謚敬叔懿

往學禮焉

史記孟僖子病誡其嗣懿子曰
仲尼聖人之後滅于宋其祖弗

子庶兄

父何嘗有宋而讓厲公及正考父佐戴武宣三命滋
益恭故鼎銘云一命而僂再命而偃三命而俯循牆
而走亦莫余敢侮饁于是粥于是以糊余口其恭如
是吾聞聖人之後雖不當世必有達者仲尼年少好

禮其達者歟吾

即從若必師之

年

二十有二年春二月癸酉朔日有食之

樂盈復入于晉晉人殺樂盈

盈自楚適齊晏嬰

字平仲嬰弱之子

諫齊侯曰商任之會受

命于晉今納樂氏將安用之弗聽晉將嫁女于吳齊

侯使析歸父媵之以藩

車之有障蔽者

載樂盈及其士納諸

曲沃盈夜見胥午

守曲沃大夫

而告之

午伏盈而觴曲沃人樂作午言曰今

也得樂孺子何如對曰得主而為之死猶不死也皆
歎有泣者爵行又言皆曰得主何戒之有盈出徧拜

之遂帥曲沃之甲因魏舒

終之子以入絳
盈先佐魏
謚獻子

舒私焉
故因之

魏氏及七輿大夫

下軍之屬
注見前

與之樂王鮒謚桓

子晉
大夫

侍于范匄或告曰樂氏至矣樂王鮒使匄奉晉

侯如固宮

宮之有臺觀備守者
國語作襄公之宮

使鞅迎魏舒則成列

既乘將迎樂氏鞅趨進曰鞅之父與二三子在君所

矣使鞅逆吾子鞅請駢乘遂超乘右撫劍左援帶命

驅之出僕請鞅曰之公既至匄逆諸階執舒手賂之

以曲沃使樊豹殺樂氏之力臣督戎

樊豹諫也著于
丹書謂范匄曰

荀焚丹書伐殺督戎句
許之豹遂繫殺督戎

欒氏乘公門鞅用劍以帥卒

欒氏退攝車從之欒盈奔曲沃晉人圍而克之盡殺

欒氏之族惟欒魴

欒氏族

出奔宋

齊侯伐衛遂伐晉

齊侯伐衛將自衛伐晉晏嬰曰君恃勇力以伐盟主

若不濟國之福也不德而有功憂必及君崔杼亦諫

弗聽遂伐晉取朝歌

注見前初為衛邑後為晉有

為二隊入孟門

注見前

登太行

述征記太行山首始河內北至幽州凡百嶺連亘十三州之界有八陁其二曰

太行陞元和志太行陞在懷州河內張武軍于熒庭

今河內縣屬河南懷慶府春秋晉北

即陞庭戌郛郛左傳注封少水翼城鳥嶺山一出絳

縣東北至曲沃以報平陰之役師還復龍衣莒門于且

縣合流入于汾

于莒地在今沂傷股而退華還周杞殖梁戴甲

夜八且于之隧明日遇莒子于蒲侯氏莒之邑莒

子鼓之獲杞梁莒人行成齊侯歸襲莒于柰杞梁死

焉其妻迎其柩于路而哭之哀莊公使人弔之對曰

君之臣不免于罪則將肆諸市朝而妻妾執君之臣

免于罪則有先人之

敝廬在君無所辱命

穀洛鬪

穀水出河南府澠池縣穀陽谷東流合澗水至洛陽縣西南入洛洛水注見前韋昭國語注兩

水格有似于鬪洛在王城南穀在王城北至靈王時穀水盛出于王城之西而南流入于洛

穀洛二水鬪將毀王宮王欲壅之太子晉諫曰不可
晉聞長民者不墮山不崇藪不防川不竇澤是以民
無夭昏札瘥之憂饑寒乏匱之患故上下能相固以
待不虞古之聖王唯此之慎今吾執政無乃實有所
避違也而滑音汨亂也夫二川之神使至于爭明以妨王宮
王而飾之無乃不可乎王卒壅之

子二十有三年鄭伯朝晉

先是晉人徵朝于鄭鄭少正公孫僑以辭却之

事在王二

十一年于是晉范匄為政諸侯之幣重鄭人患之故鄭

伯如晉公孫僑寓書于公孫夏以告范匄曰子為晉國四隣諸侯不聞令德而聞重幣僑也惑之僑聞長國家者非無賄之患而無令名之難夫諸侯之賄聚于公室則諸侯貳若吾子賴之則晉國貳諸侯貳則晉國壞晉國貳則子之家壞將焉用賄象有齒以焚

其身賄也范句說乃輕幣

是年魯叔孫豹如晉范句問曰古人有言曰死而不

朽何謂也對曰豹聞之太上有立德其次有立功其次有立言雖久不廢此之謂不朽

秋七月甲子朔日有食之既

八月癸巳朔日有食之

齊人來城郊

注見前

魯叔孫豹入聘

是時穀洛闕王城毀齊人方叛晉欲求媚于王乃為
王城郊魯叔孫豹來京師聘且賀城王嘉豹有禮賜
之大路

癸丑 二十有四年齊崔杼弑其君光

崔杼取棠公

棠公之妻姜氏

之妻姜氏

棠公妻東郭偃之姊東郭偃臣崔杼棠公死偃

御杼以弔杼見棠姜美遂取之

齊侯通焉驟如崔氏以杼之冠賜人

杼因是欲弑齊侯且以說于晉

齊侯方叛晉

未獲間會宮

子朝于齊饗諸北郭杼稱疾不視事齊侯問杼疾遂

從姜氏姜入于室與杼自側戶出齊侯拊楹而歌門

閉甲興齊侯踰牆走射之中股反隊遂弑之

賈舉州緡邠師

公孫敖封具鐸父襄伊僕堙皆死祝佗父祭于高唐至復命不脫弁而死申蒯侍漁者與其宰皆死杼復

晏嬰固有可取者然既與盟又游其詞光雖失德獨非其君哉如云不與其禍為是則太史氏之書為非歟

殺醢幾于平陰

晏嬰立于崔氏之門外門啟而入枕尸股而

哭與三踊而出

人謂杼殺之杼曰民之望也舍之

杼立靈公子杵臼

而相之

初魯叔孫僑如奔齊納其女于靈公生杵臼是為景公

慶封

字子家慶克子公子

無虧

為左相盟國人于大宮

太公廟

曰所不與崔慶者

晏嬰仰天歎曰嬰所不惟忠于君利社稷者是與有

如上帝乃軟太史書曰崔杼弑其君杼殺之其弟嗣

書而死者二人其弟又書乃舍之南史氏聞太史盡

死執簡以往聞既書乃還

杼葬莊公于士孫之里四

甲時晉侯方會諸侯于夷儀

注見前本邢地後衛滅邢為衛邑

伐齊

以報朝歌之役齊人以莊公說使隰鉏

朋曾

請成慶

封如師以重賂

賂晉侯以宗器樂器自六正五吏三十帥三軍百官之正長師旅及

處守者

皆有賂晉侯許之而告于諸侯初杼生子成及疆而

寡

偏喪曰寡寡特也

娶東郭姜生明因立明而使東郭偃棠

無咎

棠公子姜所出

相之廢成及疆二子怒欲殺偃無咎

以告慶封封曰難吾助汝成與疆遂殺偃無咎杼怒

往見慶封封曰崔慶一也是何敢然請為子討之使

盧蒲嫫帥甲以攻崔氏弗克使國人助之遂滅崔氏

殺成及疆而盡俘其家東郭姜縊嫫反命于杼且御

以歸至則無歸矣杼乃縊崔明夜辟諸大墓

開先人冢藏之

奔魯

事在王二十六年

慶舍之難

事具王二十七年

齊人求得杼尸

戮之于市改葬莊公于北郭

吳子遏

即諸樊

伐楚門于巢卒

初楚公子嬰齊伐吳

使鄧廖以組甲三百被練三千侵之

吳人要而擊

之獲楚鄧廖

楚能免者組甲八十被練三百而已事在王二年

自是吳楚兵

爭不息

王之十二年楚共卒吳伐楚喪楚敗之庸浦明年楚公子貞代吳吳敗之皋舟之隘至二

十三年楚子為舟師以伐吳無功而還庸浦楚地在今廬州府無為州南皋舟之隘左傳注吳險阨之

道

吳復召舒鳩

舒國偃姓今江南廬州府舒城縣有舒鳩城羣舒之一

使叛楚

楚令尹屈建

屈到子

伐舒鳩吳人救之楚大敗吳師

遂滅舒鳩

先是匡王五年楚滅舒夢簡王十二年楚滅舒庸及舒鳩滅羣舒遂絕

至是

吳諸樊伐楚門于巢

注見前

巢牛臣曰吳君勇而輕若

啟之將親門我獲射之必殪從之吳子門焉牛臣隱

于短牆以射之諸樊卒授國餘祭後餘祭被弒

吳伐越獲

浮焉以為閹使守舟餘弟餘昧立

甲寅

二十有五年衛甯喜

即悼子

弑其君剽衛侯衍復歸于

衛

初甯殖疾召其子喜曰吾得罪于君悔而無及名藏
在諸侯之策曰孫林父甯殖出其君君入則掩之若

能掩之則吾子也喜許諾

事在王十九年

至是衛侯衍在夷

儀

晉使魏舒逆獻公于齊將使衛與之夷儀獻公遂入于夷儀在王二十四年

使其母弟

鱄

字子鮮

謂喜曰苟反政由甯氏祭則寡人喜告蘧瑗

不敢聞君之出
遂行不敢聞其

欽定四庫全書

御批歷代通鑑輯覽

三

入亦遂行伯玉
國賢乎則長樂
老亦不可謂過
矣

瑗曰瑗不得聞君之出敢聞其入遂行從近關出告

右宰穀右宰穀不可喜曰吾受命于先人不可以貳

時孫林父在戚孫嘉聘齊孫襄

即伯國

居守

嘉及襄皆林父子

喜與右宰穀攻孫氏

不克喜出舍于却伯國傷而死國人召喜喜復攻之遂克弒

殤公殺其子角衛侯遂入孫林父入於戚以叛衛人

伐戚林父愬于晉晉戍茅氏

左傳注戚東鄙

殖綽

齊人在衛伐茅

氏殺晉戍三百人

孫蒯追之敗諸國殖鉏殖綽

晉趙武會魯侯及

諸侯之大夫于澶淵

亦曰繁淵今謂之澶州陂在直隸大名府開州西南古澶水所

經故名

討衛疆戚田取衛西鄙懿氏六十

左傳注戚城西北有懿城

因姓以名城取田六十井也今開州西北有故懿城址

以與孫氏衛侯如晉晉

執而囚之衛人歸衛姬于晉乃釋衛侯衛侯既歸甯

喜專公孫免餘

衛大夫

請殺之遂攻甯氏殺喜及右宰

穀尸諸朝

初太叔儀聞喜將納衛侯曰甯子視君不如奕棋其何以免乎奕者舉棋不定不勝

其耦況置君而弗定乎必不免矣九世之御族一舉而滅之可哀也哉至是果敗

太祖儀謚文子衛文

公之

公子鱄出奔晉

鱄曰遂我者出納我者死賞罰無章何以沮勸且鱄實使之遂

奔晉公使止之不可托于木門不向衛國而生木門大夫勸之仕曰吾不可以立于人之朝矣終身不仕

事在王二十六年
木門晉邑

二十有六年晉趙武楚屈建魯叔孫豹蔡公孫歸生

衛石惡

石賈子
謚悼子

陳孔奐鄭良霄許人曹人盟于宋

春秋至魯襄末
列國之困於兵
甚矣合晉楚之
成藉以稍緩生
民之塗炭故盟
宋以後兵雖未
能盡弭而中國
無大侵伐者幾
十年不可不謂
之小有功穀梁

宋向戌善于晉趙武又善于楚令尹屈建欲弭諸侯
之兵以為名如晉告趙武以韓起言許之如楚楚亦

許之遂如齊且告于秦皆許之乃徧告于諸國為會

于宋晉趙武先至宋

宋人享之
叔向為介

諸侯之大夫及邾滕

之君先後至

丙午鄭良霄至戊申魯叔孫豹齊慶封
陳須無衛石惡至甲寅晉荀盈至丙辰

以為晉趙武楚
屈建之力而不
知亦向戌之力
也後儒乃以二
伯為成罪可謂
虐古

邾悼公至戊辰滕成公至
陳須無即文子敬仲曾孫也
楚公子黑肱即子皙成言

于晉宋向戌如陳

從令尹子木

成言于楚

成晉楚盟載之言兩相然可

楚屈建至自陳

陳孔魚蔡公孫歸生亦至

諸侯從晉楚者釋齊秦

交相朝見

子木謂向戌曰晉楚之從交相見也向戌復趙孟趙孟曰晉楚齊秦匹也楚若能使

秦君辱于敝邑寡君敢不固請于齊向戌復子木子木使駟謂諸王王曰釋齊秦他國請相見也故齊秦

不與將盟

伯夙謂趙孟曰楚氛甚惡懼難

楚人衷甲趙武患之羊舌

肸曰以信名人而以僭

不信也

濟之必莫之與也安能

害我乃盟

齊人請邾宋人請滕皆不與盟

晉楚爭先羊舌肸謂趙武

樂喜之言自是
經國正論腐儒
不知乃云恐貽
佳兵者口實真
醜難之見耳

曰子務德無爭先且諸侯盟小國固必有尸盟者小國

主辦具

乃先楚人盟于宋蒙門之外諸侯之大夫歸宋

向戌請賞宋公與之邑以示樂喜

即司城子罕呂之孫

喜曰天

生五材民並用之廢一不可誰能去兵兵之設久矣

所以威不軌而昭文德也聖人以興亂人以廢廢興存亡昏明之術皆兵之由也而求去之不亦誣乎向

戌乃辭邑

冬十有二月乙亥朔日有食之

丙辰 二十有七年齊慶封奔魯

慶封與子舍政

舍字子之封當國不自為政以付其子舍

遷其內實于盧

蒲嬖氏易內而飲酒國遷朝焉

諸大夫就盧蒲氏朝封

反亡人

莊公之難

出奔者

盧蒲癸癸臣舍有寵舍妻之

舍之士謂癸曰男女辨姓

子不辟宗何也癸曰賦詩斷章余取所求焉

惡識宗慶與盧蒲皆齊之宗故舍之士云

癸言王

何而反之二人皆嬖

二人皆莊公故臣今還求寵于慶氏為莊公報讐

使執

寢戈

親近兵仗

而先後之二人因謀攻慶氏卜之示舍兆

曰或卜攻讐敢獻其兆舍曰克見血慶封田于菜

即邾

阿睦爾撒納所娶德勒克多爾濟者達什之女而阿睦爾撒納

之妹庫克又為
達什子諾木庫
之妻當阿睦爾
撒納欲吞噶達
什部落誘而殺
之德勒克多爾
濟及庫克皆預
謀此與盧蒲姜
情事正同則是
春秋列國之人
已有準夷聚世
之行矣

注見前

盧蒲姜

癸妻即慶舍女

知癸謀謂癸曰夫子愼莫之止

將不出我請止之癸曰諾時當嘗于太公之廟慶舍

蒞事盧蒲姜告舍且止之弗聽曰誰敢者遂如公盧

蒲癸王何執寢戈以從遂殺慶舍于廟慶封歸遇告

亂者伐門而入攻公宮弗克請戰弗許乃奔魯

封獻車于

季武子美澤可以繼展莊叔見之曰車甚澤人必瘁宜其亡也

展莊叔展禽族

既而齊人

讓魯封奔吳吳與之朱方

今江南鎮江府丹徒縣吳朱方地

封聚族

而居焉

封富于其舊魯子服惠伯謂叔孫曰天殆富淫人慶封又富矣穆子曰善人富謂之賞淫

聞樂知政不過
于聲容之際得
其想像而已何
季札觀樂應論

人富謂之殃天其殃之也其將聚而殲旃子服惠
伯仲孫蔑子它別為子服氏惠伯它之子亦曰孟椒

後楚子伐吳殺慶封而盡滅其族

事詳後

王崩

諡曰靈冢在河南城西南柏家西周山上

太子晉早卒次子貴立

是為景王

景王

元年吳子使札聘于魯及齊鄭衛晉

札至魯請觀周樂

歌周南召南列國之風小雅大雅及頌舞象箏南籥大武韶箎大夏

至韶箏札曰德至矣哉大矣如天之無不疇也如地
之無不載也觀止矣若有他樂吾不敢請已札見叔

不爽分毫然此猶事後之言至其聘諸國交納名卿料事幾先若合符契語多傳會左氏所以失誣也

孫豹而說之謂曰君子務在擇人子為魯宗卿而任

其大政不慎舉何以堪之遂聘于齊說晏嬰謂曰子

速納邑與政乃免于難

晏子因陳桓子納已與政遂免樂高之難事見後陳桓

子名無字文子之子

及鄭見公孫僑如舊相識

與之縞帶子產獻紆衣焉謂

曰鄭之執政侈

謂伯有

難將至矣政必及子子為政慎

之以禮不然鄭國將敗適衛說蘧瑗史狗

史朝之子諡文子

史鮪

即史魯

公子荊公子朝

皆衛大夫

公孫發

獻公孫諡文子

曰衛

多君子未有患也自衛如晉將宿于戚

孫林父邑

聞鐘聲

曰異哉夫子獲罪于君以在此林父以戚叛猶燕之巢于

幕上君又在殯獻公方卒而可以樂乎遂去之林父聞之終身不聽

瑟琴適晉說趙武韓起魏舒曰晉國其萃于三族乎說

羊舌肸將行謂之曰君侈而多良謂多以惡人為良而善之大夫

皆富政將在家吾子好直必思自免于難

戊午二年蔡世子般音班弑其君固文公子景公

蔡侯為太子般娶于楚通焉般弑蔡侯遂自立是為靈公

立十二年為楚靈王所殺事具後

宋災伯姬

魯宣公女宋共公夫人

卒

宋火災火及伯姬之舍左右曰夫人少避火乎伯姬曰婦人之義傳母不在宵不下堂左右又曰夫人少避火乎伯姬曰婦人之義保母不在宵不下堂遂逮乎火而死

既葬謚曰共

王殺其弟佞夫

靈王子

王子瑕奔晉

初王儋季

靈王弟

卒其子括將見主而歎單公子愆期

單靖公之弟

為靈王御士過諸廷

愆期行遇王廷

聞其歎而言曰

烏乎必有此夫

欲有此朝廷之權

入以告王且曰必殺之不

惑而願大視躁而足高心在他矣不殺必害王曰童

子何知及靈王崩僭括欲立王子佞夫佞夫弗知僭

括圍為

為氏食邑注見前

逐成愆

為邑大夫

成愆出奔尹言多

尹氏

後劉毅

劉子之族

甘過

子帶食邑于甘今河南府洛陽縣故甘城是甘過甘簡公子謚悼公

單蔑

單子之族

鞏成

鞏伯食邑于鞏今河南鞏縣是也

殺佞夫王子瑕奔

晉

僭括及廖同奔

鄭以公孫僑為政

鄭良霄嗜酒為窟室

地室也

而夜飲朝至未已既而朝

使公孫黑

即子哲子駟

如楚

先是伯有使黑如楚黑以楚鄭方惡辭伯有不可黑怒欲

攻伯有大夫和之事在王元年

歸而飲酒公孫黑以駟氏之甲伐而

焚之良霄奔雍梁

今河南開封府禹州有雍城即鄭雍梁地

醒而後知之

于是鄭大夫皆受盟于駟氏良霄聞之怒自墓門

鄭城門

之

瀆入介于襄庫伐舊北門駟帶

公孫夏之子字子上

率國人以伐

之良霄死于羊肆公孫僑禚之殯而葬諸斗城

鄭邑在今

開封府陳留縣

四馬氏欲攻之罕虎

即子皮子展之子

不許而授僑以

孔子以子產為古之遺愛而稱其使民則曰義今觀其初政固非以煦煦為愛者矣惟能行其義所以卒成其愛不然民之不慢者幾何

政僑辭曰國小而偪族大寵多不可為也虎曰虎率

以聽誰敢犯子子善相之僑為政使都鄙有章

國都及邊

鄙尊卑各有分部

上下有服

公卿大夫服不相踰

田有封洫

封疆洫溝也

廬

井有五

廬舍也九夫為井使五家相保

大人

謂卿大夫

之忠儉者從而與

之泰侈者因而斃

踣也

之一年與人

衆人也

誦之曰取我

衣冠而褚

畜而藏也

之取我田疇而伍之孰殺子產我其

與之及三年又誦之曰我有子弟子產誨之我有田

疇子產殖之子產而死誰其嗣之

鄭人游于鄉校以誨執政然明日黜

鄉校何如子產曰何為夫人朝夕退而游焉以議執政之善否其所善者吾則行之其所惡者吾則改之是吾師也若之何毀之子皮欲使尹何為邑子產曰少未知可否子皮曰愿吾愛之使夫往而學焉夫亦愈知治矣子產曰不可僑聞學而後入政未聞以政學者也若果行此必有所害然明即諷箴後公

孫黑將為亂

欲去游氏而代其位

以疾作不果僑使吏數之

數其

罪

曰女有亂心無厭國不女堪不速死大刑將至黑

乃縊僑尸諸衢加木焉

書罪于木以加尸上事在王五年

己未三年魯侯午卒子稠立

是為昭公

魯襄公卒于楚宮

先是公作楚宮叔孫豹曰君欲楚也夫若不復適楚必死是宮也至

是卒于宮子野立敬歸之子以毀卒過哀季孫宿乃立稠敬歸之

子于是年十九矣猶有童心居喪不哀比識者知其

不能終焉魯襄公卒之月鄭公孫僑相鄭伯如晉晉侯以魯喪未見僑使盡壞其館之垣而納

車焉馬士句讓之對曰敝邑褊小介于大國誅求無

時是以不敢寧處悉索敝賦以來會時事達執事之

不聞而未得見不敢輸幣亦不敢暴露今諸侯之館

門不容車而不可踰越盜賊公行而大癘不戒賓見

無時命不可知若又勿壞是無所藏幣以重罪也敢

請執事將何所命士句復命趙武曰信使句謝不敏

晉侯見鄭伯有加禮厚其宴好而歸之乃築諸侯之館

庚申四年晉趙武楚公子圍楚共齊國弱謹景子宋向戌

魯叔孫豹衛齊惡

公羊作石惡

陳公子招

陳哀公母弟

蔡公孫歸

生鄭罕虎許人曹人會于號

故東號國後為鄭滅

楚公子圍聘于鄭且娶于公孫段

即伯石穆公子子豐之子

氏

為介將入館鄭使行人子羽與之言乃館于外既聘將以衆逆子產使子羽辭焉伍舉知鄭有備乃請垂橐而入伍舉伍參子亦曰椒舉子羽即公孫揮遂會于號尋宋之盟也圍

請用牲讀舊書加于牲上而已晉人許之

先是莒展與臧其君

犁比公而自立既而齊納其弟去疾于莒展與奔吳于是莒亂季孫宿取鄆至是莒愬于會楚欲戮魯使趙孟為魯固請乃免叔孫犁比公名州密渠邱公李佗子王使劉子劉定公名夏康公之

子

勞趙武于潁

注見前

館于洛汭

亦見前

劉子曰美哉禹

功明德遠矣微禹吾其魚乎吾與子弁冕端委以治

民臨諸侯禹之力也子盍亦遠績禹功而大庇吾民

乎對曰老夫罪戾是懼焉能恤遠吾儕偷食朝不謀

夕何其長也劉子歸以語王曰諺所謂老將知而老

及之者其趙孟之謂乎為晉正卿以主諸侯而儕于

隸人朝不謀夕棄神人矣何以能久

是年趙武卒

晉荀吳

中行偃之子謚穆子

敗狄于大鹵

即太原注見前

晉荀吳敗無終注見前及羣狄于太原崇卒也此毀車用卒之

始將戰魏舒曰彼徒我車所遇又阮以什共車左傳注十

人以當一車之用必克因諸阮又克請皆卒自我始毀車以

為行毀其車為步陳五乘為三伍趙氏恒曰車每乘三人五乘為十五今五人為伍三

五亦一十五也此言用卒之法荀吳之嬖人不肯即卒斬以徇為五

陳以相離左傳疏布陳使相遠也兩于前伍于後專為右角參

為左角偏為前拒趙氏恒曰司馬法五十乘為兩百二十乘為伍八十一乘為專二十

九乘為參二十五乘為偏皆準車數多少以為誘名今雖用卒猶襲車乘之名也此言布陳之法以誘

車戰雖古制在平原或資其利至于山林藪澤已非所宜況當險阨耶荀吳舍車用徒誠能審地利以制勝後儒或以變古議之迂矣

之狄人笑之未陳而薄之大敗之

楚子麇卒公子比

楚共子

奔晉圍自立

楚公子圍將聘于鄭伍舉為介未出境聞楚子有疾

而還伍舉遂聘圍至入問楚子疾縊而弑之

左傳注楚以瘡

疾赴故不書弑

殺其二子幕及平夏公子比奔晉葬楚子于

郊

今河南汝州郊縣春秋鄭邑後屬楚

謂之郊教圍遂即位易名熊虔

是為楚靈

後伐吳執齊慶封徇于軍中曰有若齊慶封弑

其君者乎慶封曰子一息我亦且一言曰有若楚公

子圍弑其兄之子而代之以為君者乎軍人粲然皆笑

事在王

七年

辛酉五年晉使韓起聘于魯

起聘魯且告為政

代趙武為政

觀書于太史氏見易象

上下

經之象辭

與魯春秋

用周公之法書魯國之事故曰魯春秋

曰周禮盡在魯

矣吾乃今知周公之德與周之所以王也

癸亥七年楚子蔡侯陳侯鄭伯許男徐子滕子頓子胡子

今江南潁州府阜陽縣有朝城春秋胡子國

沈子

今河南汝寧府汝陽縣有沈縣春秋沈國

小邾

子宋世子佐淮夷會于申

楚子專會諸侯始此

楚子使椒舉

即伍舉

如晉求諸侯晉侯欲勿許司馬侯

即女齊亦

言于晉侯

晉侯曰晉有三不殆國險而多馬齊楚多難何鄉而不濟對曰

是三殆也四獄三塗陽城大室荆山中南九州之險也

是不一姓冀之北土馬之所生無興國焉鄰國之難

不可虞也或多難以固其國故其疆土或無難以喪

其國失其守宇若何虞難四獄岱華衡恒三塗山

名注具見前陽城亦山名在河南府登封縣東北一

曰馬嶺山大室即嵩山在登封縣北其西為少室荆

山在湖北襄陽府南漳縣西禹貢荆豫二州以此分

界中南即終南山在西安府長安縣南雍錄終南山

橫亘關中南面西起秦隴

東徹藍田蓋八百餘里

請許楚使乃許之諸侯如

楚楚子合諸侯于申椒舉曰臣聞諸侯無歸禮以為

歸今君始得諸侯其慎禮矣楚子使問禮于宋向戌

鄭公孫僑戍獻公合諸侯之禮六

宋公爵故獻公合諸侯之禮僑

獻伯子男會公之禮六

鄭伯爵故獻伯子男見公之禮

楚子使椒舉

待于後以規過卒事不規問其故對曰禮吾未見者

六焉

戍與僑所獻禮楚皆未嘗行

又何以規楚子示諸侯侈椒舉

諫弗聽公孫僑見向戌曰吾不患楚矣然而懷諫不

過十年戍曰然不十年侈其惡不遠惡遠而後棄善

亦如之德遠而後興

是會楚執徐子以吳出也
于是伐吳遂滅賴遷之鄢

鄭作邱賦

左傳注邱十六井當出馬一匹牛
三頭今鄭于馬牛之外別賦其田

鄭公孫僑作賦國人謗之渾罕

即游速字子
寬子太叔子

以告僑

曰苟利社稷死生以之何恤于人言吾不還矣渾罕

退曰國氏其先亡乎君子作法于涼

薄也

其敝猶貪作

法于貪敝將若之何後二年僑鑄刑書

左傳注鑄刑
書于鼎以為

國之
常法

晉羊舌肸詒之書曰吾子相鄭國作封洫

事見
前

立謗政

即謂
邱賦

制參辟鑄刑書

參音三謂用三代
之末法以鑄刑書

將以

靖民不亦難乎

甲子八年魯舍中軍

左傳注罷中軍季孫稱左師孟孫為右師叔孫氏自以叔孫為軍名

初作二軍三分公室而各有其一季氏盡征之

無所入于

公叔孫氏臣其子弟

以父兄歸公

孟氏取其半焉

復以子弟之半

公歸及其舍之也四分公室季氏擇二二子各一皆盡

征之而貢于公

楚子蔡侯陳侯許侯頓子沈子徐人越人

夏少康封庶子于會稽以

奉禹祀周初受封為不成子言不能成子也至勾踐始大築山陰城而都之今浙江紹興府治是

伐吳

楚子以諸侯及東夷伐吳遂射

楚大夫

以師會于夏汭

漢水入江之處即今漢口也

在湖北漢陽府漢陽縣東

越大夫常壽過會楚子

于瑣

春秋彙纂注瑣楚邑在江南壽州霍邱縣東霍邱今屬潁州府

聞吳師出遂啟

疆

楚太宰

帥師從之遽不設備吳人敗諸鵲岸

今江南池州府

銅仁縣有鵲頭山沿江而下有鵲尾洲故江曰鵲江岸曰鵲岸

遂射之師先入南懷

楚師從之及汝清

春秋彙纂注南懷汝清皆楚界在今江淮間

吳不可入

遂還

九年齊侯伐北燕

注見前

初北燕伯

簡公名欵

多嬖寵欲去諸大夫而立其寵人燕

大夫比

諸大夫相比

以殺諸外嬖北燕伯懼奔齊

事在王六年

至是齊侯請于晉伐北燕將納伯晏嬰曰不入燕有

君矣民不貳吾君賄左右諂諛作大事不以信未可

也明年燕及齊平齊侯取賂而還後高偃以師納之

于陽

左傳作唐燕別邑今直隸保定府唐縣有古城即春秋陽也事在王十五年

丙寅十年夏四月甲辰朔日有食之

衛侯惡卒

衛襄公卒

夫人姜氏無子嬖人嬖始生孟縶及元縶足不良弱行孔圓乃立元是為靈公孔

圉謚文子孔

告喪于王王使成子

簡如衛弔且追命

述五世孫

襄公曰叔父陟恪在先王之左右以佐事上帝余敢

忘高圉亞圉

周之祖系見前左傳疏二圉並為殷諸侯受殷王追命

丁卯十有一年楚師滅陳

初陳侯

哀公

元妃鄭姬生太子偃師二妃生公子留下

妃生公子勝留有寵屬諸司徒招與公子過

招及過皆

哀公

弟陳侯有廢疾招與過殺偃師而立留陳侯縶于

徵師

陳大夫

赴于楚且告立君公子勝愬之于楚楚殺

干徵師留奔鄭招歸罪于過而殺之于是楚公子棄

疾帥師圍陳遂滅陳執招殺之於越殺孔奭

招之以黨

穿封戌為陳公

滅陳為縣使戌為縣公陳與婁袁克殺焉毀玉以葬哀公

晉侯問

于史趙曰陳其遂亡乎對曰未也陳顓頊之族也

陳祖

舜左氏以舜出虞幕又言陳顓頊之族辨已詳前茲不再錄

歲在鵠火是以卒滅

顓頊以水德歲在鵠火而滅火歲而水滅也

陳將如之今在析木之津

箕斗

之間有天漢故謂之析木之津

猶將由之


由用也言將復用更興

且陳氏得政

于齊而後陳卒亡陳繼守將在齊其兆既存矣

後楚平即

位陳遂復
事具後



御批歷代通鑑輯覽卷六